



SELECTÆ
PROPOSITIONES
IN TOTA SPARSIM
MATHEMATICA
PVLCHERRIMÆ.

AD VSUM ET EXERCITATIONEM
Celebrium Academicarum.


PROPOSITIONES.

<i>Arithmetica.</i>	{	<i>Cosmographica.</i>
<i>Geometrica.</i>		<i>Musica.</i>
<i>Mechanica.</i>		<i>Optica.</i>



MVSSIPONTI,
Apud GASPAREM BERNARDVM, Sereniss. Lotharingæ
DVCIS & Vniuersitatis Typographum Iuratum.

M. DC. XXIX.



SELECTÆ
PROPOSITIONES
DE NATVRA MA-
THEMATICARVM IN
GENERE.

I.



MATHEMATICÆ sunt proprijissimè scientiæ, quarum subiectum formale est quantitas prout terminata; Habent potissimas demonstrationes à priori. Diuiduntur in puras & mixtas, totidemque artes quot scientias: Puræ sunt Arithmetica & Geometria; Mixtæ multiplices, Astronomia, Optica, Musica, Mechanica, Chronologia, Geographia, &c. Puræ Mathematicæ abstrahunt à materiâ singulari & sensibili, versantur autem in materiâ intelligibili, quia puncta, lineæ, superficies cæteraque Entia, vt vocant, Mathematica, formaliter & perfectè reperiuntur, saltem in Ideis Diuini, Angelici, & humani intellectus; virtualiter autem in quantitate materiali, à quâ non distinguuntur separabiliter.

Circulus geometra, non est in terrâ, in auro, in Cælo, neque in rerum naturâ.

II.

VIDENTVR quidem hoc tempore ad perfectionis apicem deductæ, propter excellentem, librorum, inuentionum, demonstrationum, experimentorum, instrumentorumque multitudinem; suos tamen habent nodos, solubiles quidem, at nondum satis explicatos, cuiusmodi sunt, Quadratura circuli, Duplicatio cubi, & Inuētio duarum mediarum inter duas datas proportionalium, diuisio cuiuslibet anguli & circularis perimetri in quolibet partes æquales, Mechanica & cōmoda motus perennitas, Heptagoni regularis & cuiuslibet figuræ multilateræ fabrica, Helicis ordinatæ accurata descriptio, exacta Supputatio temporum motuumque Cœlestium, longitudinis Ciuitatum facilis & certa Inuentio, Definitio præcisa omnium Musicæ intervalloꝝ, &c.

Vnius est Algebra, fastuosum sed verum Problema. Nullum non Problema Arithmeticum soluere, nullius impossibilis tanquam possibilis inuestigatione fatigari.

A

PROPOSITIONES ARITHMETICÆ.

I.



ARITHMETICA Speculatiua, numerorū naturam, proprietates, proportionēs, figuræque contemplatur. Numerus est aliquid vnum à parte rei, cui non repugnat Infinitas. Vnitas non est numerus, sed principium componens numerum, quo modo habet Indiuisibilitatem; Zero autem potest dici principium priuatiuum numeri. Arithmetica practica, varias habet operationes simplices & compositas, quas perficit, calamo, calculis, digitis, tabulâ Pythagoricâ mobili & stabili; nonnunquam etiam sine Cyphris, quando multiplicat & diuidit, ipsâque fractionum operationes probat, beneficio quadrati in minora quadrata diuisi, & duarum regularum normaliter dispositarum, quæ per illius planitiem excurrant: quando per solum modulum, & triangula Geometrica, regulas proportionum absoluit.

Ex stadio Hercules, Ex Vngue Leo, Ex Pollice à Pygmaïs dimensio gignitur, Ex Plinib Columna, & Ex Parte Salomonis Templi reliqua omnis structura, numerorum auxilio definitur.

II.

INFINITI sunt, præter binarium, numeri, qui tantum procreant in vnum additi quantum per se inuicem multiplicati. Infiniti ex quorum multiplicatione oritur numerus minor, alterutro aut quolibet multiplicantium. Infiniti, qui, factâ vnus per alterum diuisione, quotientem procreant numero diuidendo maiorem; Infiniti & in quacunque proportionē, quorum summa collecta æqualis est producto ex multiplicatione primi per vltimum, & ex multiplicatione duorum quorumlibet æqualiter ab extremis distantium, & ex multiplicatione medij in seipsum. Si numeri proportionales accepti sint multitudine Impares. Radix quadrata minutæ maior est ipso quadrato. Numeri 184 & 220, 64 vnitatibus differunt, & tamen partes aliquotæ primi, secundum, & partes aliquotæ secundi, primum, complent.

Necesse est, duos hominum, habere totidem numero pilos, aureos, & similia.

III.

EX Arithmeticiis Complicationum Regulis, satis vtique vulgaribus, In Logicâ figuræ & modi Syllogisiorum, prædicationes, & comparationes vniuersalium; In Physicâ primarum qualitarum Coniugationes, & Corporum Simplicium vel mixtorum ex ijs determinato gradu temperatis, varietates possibiles; In Astrologiâ Planetarum Coniunctiones; In Grammaticâ dictiones possibiles, siue viles, siue inutiles, colligi possunt; In Poësi versus quilibet quantumlibet difficiles, quoties fieri potest inuerti, Anagrammata omnia possibilia fieri supra datum nomen quocumque in Idiomatico; In Musicâ etiam ab homine Musices imperito omnes cantilenæ componi, quæ intra definitos octauarum limites extare possunt; In picturâ & statuariâ exhiberi varietas specifica Imaginum, colorum, & Emblematum, quæ opere Mosaico & versicolori fieri possent ex lapidibus aut coloribus determinato numero & gradu sumptis, atque adeo pulcherrimum, in vnoquoque genere determinato, inueniri.

Arenula mille Mundis contenta, cerid numerari possent, datæ tantum Arenæ quæ granulum papaueris implerent.

IV.

OMNES numeri possibiles ex finitis notis, Syllabæ omnes, omnes libri quocumque Idiome scripti aut scribendi, exhiberi possunt ab homine etiam latinitatis imperito, imò omnes Conceptus compositi specie diversi, scripturæque omnes & Iudicia mentis occulta detegi, datis tantum litteris aut conceptibus simplicibus. Si septem homines, 14. annorum spatio, in eodem scamno quotidie semel sederent, fieri posset ut nunquā rediret idē ordo. Versus hic Diuæ Virgini Sacer, *Tot tibi sunt Dares Virgo, quot Sydera Cælo,* inuenitur 40320. saluis autem quantitatis legibus 1022. ut meritiò dicatur vnus libri versus, vnusque versus liber qui ipsum continet. Hic alter, *Rex, Dux, Sol, Lex, Lux, Fons, Spes, Pax, Mons, Petra, Christus,* variatur 3628800. etiam saluis quantitatis legibus. Ex decem stocculis diuersa farta fieri possunt 3628800. 23 milites, litteræ &c. permutari possunt. 25851016738834976640000.

Credibile est, Deum elegisse optimam complicationem possibilem, inter omnes mundi partes.

V.

SI complicationes omnes, quæ sunt possibiles inter litteras quatuor linearum proximè præcedentium, scriptæ essent in chartâ, non posset chartæ exscriptæ acutus, poni intra firmamenti totius capacitatem, etiamsi toties maius esset firmamentum, quot arenulæ nunc intra ipsum claudi possent; Si quis vellet legere aut exscribere omnia Anagrammata possibilia supra nomen sexdecim litterarum, plus deberet legere aut exscribere, quàm in toto Calepino contineatur; Si centum poma vno passu distarent singula à singulis, esset autem qui colligeret sigillatim, & ad sportulam deportaret omnia, conficeret iter plus quam; leucarû Gallicarum; Centum oves, sexdecim annorum spatio, implere possunt numerum 61689600. aureis æstimandum.

Totum Lutetiana urbis Pavimentum, ex libris auri ductilis, inaurari posset.

VI.

DINOCHARES Architectus coram Alexandro Macedone proposuit, ædificaturum se urbem 10000. hominum capacem, intra palmam statuæ ex monte Athos excisæ; hinc potest colligi Arithmeticè, magnitudo ac celsitudo montis, ut contrâ ex amplitudine montis, magnitudo statuæ. Plinius Colosso Rhodio assignat longitudinem 70. cubitorum, & ex illius ære, quando contractus est, 900. camelos oneratos fuisse, tradunt historici; hinc facile colliget Arithmeticus, totius Colossi gravitatem & molem, circiter 1080000. librarum; colliget insuper quod dicitur paucos homines, illius pollicem amplecti potuisse, non de utroque brachio, sed de manibus aut altero tantum brachio sanè intelligendum esse.

Si numeri, minores nihilo, producere possent, secundum Regulas Algebra, numerum maiorem nihilo, plus posset Ars quàm natura, quæ ex nihilo nihil facit.

VII.

NON sunt necessarij cubiti sesquipedalibus maiores, ut Arcæ Noëticæ capacitas, à gentium calumnias vendicetur, poruit enim Arca 300. cubitorum longitudinis, 50. latitudinis, 30. altitudinis, capere omnium animalium species, eo numero quem Deus præceperat, cum requisitis cibis ad victum annum. Impiè verò gentiles, Mosaicam Babylonice turris historiam carpunt, quasi ex hoc telluris puncto, Columna tenuissima ad cælum usque pertingere non possit; quamvis enim seruatis Architecturæ proportioni-

bus, tellus tota sufficere non possit ad stylobatam columnæ in cælum erigendæ, neglectis tamen proportionibus, sufficit ad 3334. columnas, quadratâ basi vnus miliaris, ad firmamentum vique erigendas; Quare, cælum etsi graue esset, eiusmodi columnis è tercâ factis vndiq; fulciri posset, quæ simul iunctæ conficeregt molem multò maiorem centum turris Babylonis prout illam turrim Hieronymus describit.

Si ducenti saci, quos Ponderasse dicitur Absalonis Caesaries, non intelligentur de pretio capillorum, vel de oblatione factâ cum ipsis, vel potius de pondere auri æquivalentis, fuit capillorum pondus plusquam 8. librarum.

VIII.

QUAMVIS tota tellus habitabilis æquè fecunda semper, & vbique poneretur ac Gallia, quamvis per quindenos annos totus hominum numerus renouaretur, & mundus spatio tantum 6000. annorum duraturus esset, vt multi coniiciunt, non fierent plures homines 191297700000. qui numerus est circa iustum, sed iusto maior, rara enim loca Galliæ fecunditatem adæquant, multa sunt deserta & loca raris habitata incolis, rariores olim extiterunt homines presertim post bella, fames, pestes, & vix 30 quoque anno, mundum renouari crediderim: adeò vt maiorem adhuc iusto numerum positurus videatur, qui numerauerit decies centies mille milliones hominum, per 6000. annos futurorum.

In superficie conuexâ terraquei globi, starent homines 148456800000000. assignando singulis passum quadratum.

IX.

DVBITANT aliqui an Resurrectionis generalis tempore, homines stare possint, non tantum in vaille Iosaphat, sed in totius terreni vt vocant puncti superficie. Dico autem, posito hominum numero & duratione mundi vt suprâ, omnes homines electos ac reprobos consistere posse super quadragesimâ parte continentis aptæ ad sustinendos homines, dando singulis vnum passum quadratum, ac proinde sufficere posse vallem Iosaphat cum locis vndique ad octo graduum spatia circumiectis. Quod si mundus plusquam ducentis millibus annorum duraturus poneretur, eadem semper fecunditate, stare possent omnes super 4. parte continentis.

Pondus armorum omnium giganti Goliath fuit circiter 500. librarum.

X.

PONE durationem mundi 6000. annorum & numerum damnatorum octingentis mille milliones, qui probatis Theologis videbitur iusto maior, hoc enim posito singulis annis damari deberet decem miliones & amplius, & in dies singulos plusquam viginâ septem millia, quod est incredibile. Pone insuper damnatum quemlibet occupare decem pedes cubicos, sola duarum leucarum cauitas cubica, omnibus damnatis sufficeret.

Pone duraturum mundum tempore duodecies mille annorum, & intra hoc spatium vices mille milliones beatorum, qui numerus longè maior iusto reputabitur, alioqui deberent singulis annis saluari, vnus millio & quingenta millia, singulis autem diebus plusquam quatuor millia. Dico non vnus sed plurium terrarum regna, vnicuique beato intra Emyreum assignanda, idque non tantum ex Emyrei capacitate, verum etiam ex typica Ciuitate diui Ioannis Apocalypsis 21. facile æstimari.

Plures sunt in quantitate continuæ proportionēs, quàm in discretâ & aliquo modo dissimilis est quantitas continua in infinitum, quomodo non est diuisibilis numerus.

XI.

IN generatione viuientium, diuisione continui in infinitum, decremento sphaeræ actiuitatis, iustitiâ distributiua, augmento habituum infusorum, seruari aliquam proportionalitatem Geometricam Philosophi ac Theologi decernunt. Prouentus vnius grani frumenti intra duodecim annos, erit granorum 24414062500000000000. si omnia seminentur annuatim, & vnumquodque producat 50. grana; Hæc autem summa, impleret 24414000. vrbes Lutetianâ maiores, & soluendo quartam partem aurei pro quolibet mensurâ, emeretur aureis 6113515250000. quot orbe toto omnes Principum & priuatorum thesauri non continent. Si quodlibet pisum annuatim producat triginta, ex vniço pisco, intra duodecim annos producta multitudo, nõ posset emi 106083200000 aureis, possetque circumtegere totam terram notabili altitudine.

Omnis proportio ex infinitis proportionibus componi potest.

XII.

TYR CARVM Imperator, cum toto reditu annuo, non posset alere vnus annus spatio propagatam ab vna sue 12. annorum spatio porcorum multitudinem, quamvis vnicuique annuatim nutriendo assignaretur vnus tantum aureus. Si generatio Cyprinorum propagaretur per 12. annos, producta multitudo plusquam totum mare occuparet, dando sex piscibus locum vnus pedis. Quædam Auicula si intra octo annos gignerent, sine vilius interitu, efficerent summam 33474272. & vniuersè loquendo, si proportionaliter multiplicarentur arbores, herbæ, semina, & omnis generis animalia per aliquot annos, sine corruptione, incredibilis omnino viuientium copia existeret, quæ totum breui mundum impleret.

Si verum est, quod nonnulli asserunt, Augustissima Deipara gratiam proportionalia & dupla per singulos actus habuisse incrementa, post 64. actus creuerat ea proportionem, quam habens 13446744073709551615. ad vnum.

XIII.

ADMIRABILE est, supputatione tamen euidenti demonstratum, quod ex octo Animabus quæ diluuiio creptæ sunt & ab Arcâ Noë egressæ, tam copiosa intra ducentos annos hominum multitudo extiterit, vt Monarchia inchoari poruerit, & paulò post exercitus numerosissimus sub Nino duce colligi, hominum circiter 2000000. similisque prodigij est, quod ex 70. Israëlitis Ægyptum ingressis 3002750. homines circiter, intra ducentos quindecim annos prodierint. An autem stellarum numerus maior sit Abrahamiticâ prole, an æqualis aut minor, vix determinari potest loquendo de stellulis quæ per tubum Hollandicum deteguntur innumeræ. Certum est tamen intra aliquot annos multò plures fuisse Abrahami posteros, quàm sint stellæ visibiles, absque tubo; immò plures, quàm possint esse stellæ 6. magnitudinis in totâ firmamenti cauitate.

Critici dies & climasterici anni si quid periculosum habent, non ex numero præcidi, sed potius ex Physicis qualitatibus circumcirca præcauendi sunt.

XIV.

OMNIS numerus, est dimidium duorum æquali vtrunque distantia circa se positorum. Binarius in se ductus & sibi additus idem facit. 5. & 6. in se ipsos & in sua producta multiplicati desinunt semper in 5. & 6. finales. Senarius primus est inter numeros perfectos qui vsque ad numerum 40000000. omnino sunt 7. alternis desinentes in 8. & 6. Numerorum compositorum notæ, separatim additæ, tantum deficiunt à nouarijs

A iij

antilla excedunt, quantum ipsæmet sumptæ in valore coniuncto: Sed hæc vulgaria, satis est indicasse multas & his insigniores proprietates etiam mysticas inesse numeris, hæc considerentur secundum se, siue vt ad alios relati.

Chronologici numeri Historico licet Ecclesiastico & Astronomico calculo declarati, minores quam ante, sed insuperabiles tamen adhuc continent difficultates.

PROPOSITIONES GEOMETRICÆ.

I.



GEOMETRIA, quatenus Speculatiua est, varias quantitatis continuæ proprietates, figuras, proportionefque demonstrat; quatenus Practica, diuiditur satis commodè in Altimetrium, Planimetrium, & Stereometrium. Prima mensurat lineas quoad longitudinem latitudinem aut profunditatem. Secunda, superficies quaslibet. Tertia, soliditatem corporum; lineæ mensurantur per determinatam lineam, superficies per quadratum. Solida verò per cubum. Quantitas Geometrica abstrahit à successiua & permanenti. Successiua vnam tantum, permanens tres omnino habet dimensiones, sicut & species.

Perpendicularis linea est omnium Dimensionum Regula.

II.

DANTVR à parte rei indiuisibilia punctorum, linearum, superficialium, partium Negatiua, partim positiua, sed æquiuvalenter tantum à partibus distincta, nec quicquam aliud probat contactus possibilis perfectæ sphaeræ cum perfecto plano, aut solidorum corporum & planorum inter se: imò ne Geometria quidem indiuisibilia realia supponit, sed tantum conceptibilia cum fundamento in re. Imaginaria est, subtilis tamen linearum superficialium aut corporum descriptio, ex fluxu aut interfectione punctorum, linearum, superficialium, & corporum, neque vlla est linea aut superficies, quæ non eiusmodi fluxu aut interfectione, si proportionatè fiat, describi possit.

Sapè accidit, vt globus murum diruens & ferula percussiens manum, non sangat.

III.

NATURA, in Cælo, Stellis, Elementis, viuentium membris, aliisque mixtis, imò & pleraque animalium artificia vt auium nidi, araneorum labyrinthi, cochlearum spiræ, circularis & orbicularis figuræ dignitatem vtilitatemque commendant, sed præter alias eius proprietates, hæc est insignis, quod capacissima sit inter omnes figuras Hæperimetras, reliquarum autem figurarum vnaquæque tantò capacior, quantò propius accedit ad circulum aut globum; Non est tamen vniuersè verum, inter figuras rectilneas eam esse capaciorem, quæ plures habet Angulos pluraque latera, nisi sit regularis.

Nihil est quod conuinca: Solem, Lunam, & alia sydera esse plusquam hemisphaerica.

IV.

POTEST vna & eadem materialis quantitas, idem solum aut eadem cera, sine additione & detractione vllius partis, modò maiorem modo minorem locum occupare, non tamen sine aliquâ rarefactione aut condensatione; non potest eadem quantitas de quadratâ aut cubicâ figurâ transire in rotundam aut globosam priori Hæperimetram vel contra, sine additione aut detractione, diductione aut compressione partium contentarum. Absurdè faciunt tam in solidis quàm in planis, qui metiuntur insulam, uen-

agrorum & similium rerum, planities, aut quantitatis altum ex ambitu.

Impossibile est, dari plura, quam quinque, corpora regularia.

V.

SEX triangula æquilatera, quatuor quadrata, tria hexagona, per angulos coniuncta spauire possunt, & locum vsquequaque replere: præter hæc autem nullæ aliæ figuræ regulares & planæ locum vsquequaque replebunt. In solidis regularibus, Soli cubi quoad angulos iuncti, locum solidum implent; Hexagona figura, paucissima est apertissima, & inter figuras locum vndeque replentes capacissima, ideoque illam suis cellulis apes, vespæ, crabrones, attribuunt.

Cuiuslibet angulo recti-lineo datur curui-lineus æqualis, non de conuerso.

VI.

ANGVLVS contingentiz, formaliter, nec ex Euclide nec ex rei veritate quantitas est, neque propriè continet quantitatem determinatam, sed est tantum inclinatio vnius lineæ ad alteram, vel vnius ab altera recessus: aliqua tamen quantitas corniculari specie inter circularem & tangentem lineam procurrat vsque ad punctum contactus, duplici tantum latere terminata, eademque diuisibilis in Infinitum per lineas circulares, non autem per lineam rectam, quæ ad punctum contactus sine circuli sectione producat; Angulus contingentiz infinities minor est quolibet angulo acuto recti-lineo, potestque inclinatio anguli acuti diuidi in infinitum per partes communicantes, maiores vnde certâ in ratione anguli, non in ratione quantitatis.

Transfiri potest à maiori ad minus, aut contrâ, & non per aequalo.

VII.

FIERI possunt, intra aliquam urbem, duo vici omnino recti, qui maiores erunt ac longiores ambitu murorum eiusmodi vicos lateraliter continendum: ita ut homo perambulans vicos, plus conficiat spatij, quàm si latera eosdem vicos continentia decurreret, atque hoc modo contentum potest esse maius continet, non tantum in lineis rectis, sed & in superficiebus. Duo circuli admodum inæquales æquales tamè orbitas describere possunt. Verbi gratia. Minimus rotæ plaustrinæ circulus propè axem, licet non efficiat plures reuolutiones quàm maximus, tantumdem tamen itineris decurrit in directum.

Vulgaria delineatio Papyri globo circumponenda, qua fieri soles per arcus circulorum, erronea est.

VIII.

EX opposito siue contradictorio consequentis, concludunt Logici contradictorium antecedentis, et ex contradictorio vnius propositionis immediate & affirmatiue demonstrare alterum contradictorium eiusdem propositionis, Mathematicæ tantum industriz videtur esse cõcessum. Possunt duæ lineæ angulum facientes in infinitum extendi & maiori sæpè ac maiori intervallo distrahi, quarum tamen distantia, datam quamcumque lineam, etiam breuissimam, nusquam exæquabit, nedum superabit. Et opposito modo, possunt duæ lineæ in infinitum productæ, altera ad alteram magis ac magis accedere, quæ tamen neque concurrent inquam, nec præscriptos accessus limites excedent.

Dato quolibet motu quemlibet exhibere, ex circulari, rectum, obliquum, spiralem, retrogradum, &c.

POTEST aliquod mobile, moveri supra finitam lineam, puta pedalem, continuò, absq; eo quod possit vlla lœcula ad terminum perueniat, ita vt sit motus infinitus supra finitum spatium: pariterque potest mobile per totam æternitatem descendens etiam secundum lineam rectam, ad præscriptum sibi terminum quâcumlibet minimû nunquam peruenire: dati possunt duæ lineæ rectæ & parallelæ, quantumlibet vicinæ, quarum vna semper & infinito tempore accedat ad alteram directo motu, nunquam tamen ipsam continget.

Datur potentia naturalis, quæ effectus partis intensionis, in subiectis aequalibus, in infinitum finitis, eodem tempore producere valeat.

X.

SI super horizontem fieret modicissimum triangulum, basin habens vnus pedis, & altitudinem vnus pedis. Deinde verò super æquali aut eadem basi, fieret aliud triangulum, cuius lineæ procurrerent longillimo tractu vsque ad Cælum ex parte Orientis verbi gratia, aut vsque ad verticem, sed inter easdem parallelas: duo hæc triangula essent æqualia, & charta quæ sufficeret ad operiendum vnum, sufficeret quoque ad operiendum plene alterum, & Angelus qui posset occupare spatium trianguli, minus extensû, posset occupare longius, & extendi à terrâ vsque ad cælum, imò longius ac longius in infinitum, pro longitudine trianguli, si non limitaretur aliunde ipsius potentia.

Salomonici Templi lapides, plurimi & singuli, ampla domicilia capere posuerunt.

XI.

EX proportionem gnomonis cum vmbra rectâ aut versâ, siue realiter siue imaginariè profusâ, & vniuersim ex habitudine vnus quantitatis ad alteram, omnes linearum dimensiones absoluuntur, totaque instrumentorum supellex, quam Altimetria ostendit, ex huius proportionis cognitione, habitâ per quartam sexti Euclidis, velut ex radice sobolescit.

Baculus Iacob, tantum est commodus, ad eas latitudines mensurandas, ad quas longius illius radius perpendicularitèr obuertitur.

XII.

POTEST vnum & idem corpus solidum ac durum, per tria foramina transmitti, quorum vnum sit rotundum, secundum quadratum, tertium ouale, ita vt singula in transitu compleat; potest aliud eadem conditione transmitti per rotundum, ouale & quadrangulare quantumlibet longitudinis; aliud, per rotundum & quadrangulare; aliud per rotundum & triangulare duntaxat.

Vnius circini brachij Geometricas imò & Astronomicas præces serè omnes illigari posse demonstratur.

XIII.

PLVS liquoris admittit vas idem in fundo putei aut in cellario, quàm in recti culmine aut montis cacumine, & duplò plus aquæ continere potest in loco infimo quam in sublimi, imò plus extrâ vas sustentare quam intrâ, ideoque sine effusionis periculo quando plenum est superius extrahi aut deportari nequit, quantum plus admittat in hoc determinato loco quam in altero, Geometricè definitur.

Duo

Duo vasa æqualia, etiam plena, nunquam continens partem aquæ eorū, nisi sint in superficie æqualiter remota à centro.

XIV.

PER se loquendo & naturaliter, si pulvis tormentarius totius mundi clauderetur & accenderetur intra exiguam sphaeram vitream aut papyraceam, vniformis materiæ in omnibus partibus, non posset hunc carcerem effringere; si mola asinaria caderet in planum vitreum vniformis materiæ, & in medium illius punctum, vel non frangeret, vel in omnes partes frangeret; si duo equi traherent filum bombycinum vniforme, in contrarias partes æquali virtute, vel non frangerent vel præcisè in medio; si omnes Angeli circum aquæum aut aëreum vel filum aranæ orbiculariter dispositum, traherent ad extrà aut ad intrà æquali virtute, nullam diuisionem efficerent.

Pyramides Egyptia parua sunt cum angulis Salomonici Templi collata.

XV.

MATHEMATICÆ iucunditatis est, in sphaerulis eburneis, aut buxeis, & similibus, ita ludere, vt ex reflexionum legibus, vna in planum, aut duo vel plura plana impingens, ad destinatum locum emittatur: vel ita vt vna sphaerula, cæteras impellens, ad quæcumque volueris partem dirigat, assignatis etiam, si lubet, variorum motuum lineis, variorum contactuum & allisionum punctis, siue in plano, siue per ambitū circuli.

Labyrintheas quaslibet spiras explicat, & Ariadnes filum, ipsiusque Labyrinthi iter, Geometra mensurat.

XVI.

MENSVRA Mathematica, debet esse nota, determinata, intra terminos indiuisibiles constituta, proportionata mensuranti & mensurato. Omnes ferè nationes primam mensuram, quam vocant interualli seu linearum, ad humanæ staturæ mensuram exigunt, vnde nata varietas apud Romanos, Græcos, Gallos, pro varietate staturarum. Romani pedis antiqui longitudo cognita est, eiusque cubus capit 960 aquæ vncias, quæ sunt amphora Romana. Pes communis ponitur pro sexta humanæ staturæ parte: Cubitus cum manu extensâ pro quarta. Melius fortè sumeretur Cubitus absque manu pro primariâ mensurâ: hic enim præcisè adæquat partem sextam corporis, in hominibus proportionatis.

Vapores halitus & fumos ponderari posse notissimum est.

XVII.

EX proportionē Romanæ amphoræ, cognito latere cuiusvis cubi, aut diametro cuiusvis sphaeræ, cognoscitur quantum aquæ capiat cubus aut sphaera, & contrâ ex quantitate aquæ, quam capiat cubus aut sphaera, cognosci potest lateris illius aut diametri longitudo. Sic etiam ex proportionē pedis Gallici cum alijs pedibus, vel cubitis, & calamis; cognita insuper aridorum & liquidorum proportionē, colligi potest proportio, quam habent quadratæ aræ cubi, aut sphaeræ, quæ sunt ex pede Gallico in quacunque materiâ, cum aris, cubis, aut sphaeris, quæ ex alijs cubitis & calamis fiunt.

Aurea sphaera, octodecies grauior est aquâ eiusdem secum molis; Attamen aurea pecunia summa, dolum implens, vix est duodecuplo grauior aquâ, quâ idem dolum implet.

MAGNAM esse opinionum diuersitatem in negotio mensurarum, ponderum & monetarum, sacri pariter ac prophani scriptores testantur: viderint autem Theologi, maioribus an minoribus cubitis, calamis, talentis, siclis, vtendum sit, vt Salomonic templi ac regni magnificentia, Persiis, Romanis, alijsque mundi miraculis comparata; Maris ænei capacitas; Ponder coronæ regis Ammonitarum; statura Goliath & Egyptij gigantis; cæteraque id genus plurima, cum ipsorum sensu simul & Mathematica supputatione conueniant.

Verisimile est magis hodie abundare auro Romanum orbem, quàm olim Romam triumphantem.

PROPOSITIONES MECHANICÆ

I.



MECHANICA siue Machinatrix scientia, subalternatur Geometrix ac Physicæ, & ex illarum principijs, Machinarum omnium, siue operum artificialium, constructiones ac demonstrationes tradit; diuiditur in varias partes, pro varietate specificâ Machinarum, quarum aliæ sunt scanforiæ & tractoriæ; aliæ Pneumaticæ; quædam igneæ, aliæ hydraulicæ; nonnullæ quasi sponte moueri videntur ob spiritus inclusos, & secretum chalybis repulsorij artificium aut similis metallicæ laminæ resultum; quædam à principio euidenter extrinseco aguntur, eoque vel animato, vt ab hominibus, rotæ: ab equis, currus: vel inanimato, vt à ventis naues, & ab aquâ moletrinx rotæ.

Maiores est incommoditas, operandi cum Machinis, quàm sine Machinis per se loquendo.

II.

NVSQVAM magis verum est, artem esse naturæ Simiam & victricem, quàm in Mechanicis, quando illam, grauitate corporum, vires humanas superantem, ingeniorum arte superamus, varijsque instrumentis opera naturalia exhibemus, vt motus ventorum in Æolipilis, Vaporum eleuationem & resolutionem, per imbres, niuē, gradinem idoneis instrumentis; Aëriam temperiem pro diuersis temponibus, & locis, in Thermoscopio; Irides in fontibus; cœlestium corporum & animalium motus, autum cantus &c. In sphaeris, horologijs, curribus, nauibus, automatis, hydraulicisque Machinis; Quin etiam tonitrua & fulgura in tormentis bellicis; Meteora ignea, in pyrotechnicis; Ipsosque terræ motus in cuniculis subterraneis, formidabili artificio imitatur.

Definitur Mathematicè, quod pondo æquiualeat, pugnis hominis ferientis cum seipso non feriente comparatus.

III.

GRAUIA corpora, per suum grauitatis centrum, coaceruato ibi pondere, sic descendunt ad medium mundi, vt nullatenus quiescant, donec tale centrum congruat centro mundi, mouentur autem, non à generante aut remouente prohibens, nisi fortè conditionaliter per accedens & remotè; Neque à cœlo quasi abigente grauiæ & attrahente

leuia, neque à terrâ aut centro, quasi per virtutem magneticam attrahente grauiâ, sed ab internâ gravitate, quæ est idem cum temperamento primarum qualitatum, accedente certo densitatis aut raritatis gradu; Et augetur vel minuitur, quando mutatur temperie aut corpulentia subiecti: immutata nihilominus gravitate intrinsecâ: Etus primi, mutari potest grauitas, & effectus grauitatis in actu secundo propter solius extrinseci mutationem, puta ob diuersitatem mediij, figuræ, resistentiæ, remouionis à centro, &c.

Libra plumbis, grauior est librâ pluma, & centum libris ligni.

IV.

PARIETES, columnæ, turres, homines, equi, bilances, campanæ, naues, & similia, quæcumque in altum eriguntur, aut telluri inniuntur, aut ex alto quomocumque suspenduntur, habent suam directionis lineam; Vt verò quiescant aut non cadant; debet ista linea, à centro terræ ducta, transire per centrum grauitatis, & præterea per locum cui inniuntur, aut ex quo suspenduntur. Quod si vel centrum grauitatis vel basis ipsum sit extra huiusmodi lineam, in quiete dimouentur & prosternuntur versus eam partem, ad quam centrum grauitatis præualenter inclinatur.

Globus plumbæus & lanæus æqualis magnitudinis, ex eadem altitudine cadentes, eodem sensibili tempore ad terram perueniunt.

V.

GRAVIA corpora ex alto cadentia, eadem proportionem quâ descendunt; magis ac magis grauiantur non ob, vicinitatem centri sed quia motus addit pondus, & impulsus ex longinquo aëri iuuat. Fieri potest, in aëre, circa maximum terræ ambitum pons lapideus aut lateritijs, qui nullis fulcimentis terram contingat: Si poneretur vniformis ignis in centro, nulla pars eius sursum auolaret: Si moles aquea vniformis orbiculatim inuolueret subiectum aërem, ne guttula quidem caderet: Si fieret puteus vsque ad centrum terræ, iuxta perpendiculari directionem, figura illius esset conica: Paries, secundum vtramque faciem, à perpendiculo directus, prout à fundamento assurgit, proportionaliter euadit crassior. Si Babylonice turris parietes perpendiculariter extructi fuerunt, sex scilicet pedibus magis distabant in summo, quam propè terram, distassent autem magis 51 miliaribus, si vsque ad lunam: Et 1141. si vsque ad solis regiam ascendissent, vt homines infanti designabant.

Hominum corpora, propè centrum mundi, naturali grauitate cogente, necessario contra se procedent, supra se iniicient.

VI.

PAVIMENTA libellatim extructa, necessario sunt sphærica, quod sphæricam terræ superficiem velut incrustent: Si verò pavementum aliquod, non ad libellam, sed ad regulam constratum, lingatur ad cælum vtrinque pertingere, homines in tali planitie ambulantes, quò longius abirent à medio, eò semper altius ascenderent, tandemque non magis possent ulterius progredi, quam reptare per longitudinem turris, cælum vsque ascendentis: Globus super eiusmodi pavimento positus, nunquam consisteret, nisi in medio, vbi videlicet pavementum planum, terræ sphæricitatem, in puncto tangit. Si Deus abstulisset hemisphæriũ terræ, ita vt remaneret plana & rotunda

terræ superficies horizontalis, non possent homines in illâ consistere, vno excepto, qui pedibus calcaret centrum.

Murus, qui Sinenses à Tartaris diuidis, necessario est arcuatus.

VII.

PHYSCICE & per se loquendo, non possunt plures, neque sensibilibus capaciores domus extrui, plures arbores maturefcere, in decliui superficie montium, plures homines erecti stare aut sedere in Amphitheatris & locis accliuibus, quàm in plano subiacenti; licet per accidens, & Mathematicâ subtilitate possint. Fieri potest turris, quæ per 50. leucarum spatium, quantumlibet inclinata, non corruet, eo nimirum artificio, quò Bononiensis turris Garizenda, multis iam annis immota non cadit. In monte æqualiter accliu, ascensus per se difficilior est vertice; per accidens autem, via plana molestior est, quàm montosa.

Plur distans capita quàm pedes, equites quàm equi. & pluri itinèri consueiunt Mathematicè loquendo.

VIII.

CVR sedentes cùm sessu surgere volunt, retrorsum crura, antrosum caput & pectus inclinant; Cur supini homines corpus complicant, vt se erigant; Cur ascendentes & dorso onerati spinam insectant; Cur gibbosi senes genua antrosum incuruent; Cur quadrupes vtrumque simul pedem attollere nequeant, & nunc ad dextram, nunc ad sinistram corpora insectant; Cur qui vtrumque pedem muro coniunctum habent, nihil à terrâ subleuare possint, nisi genua antrosum complicant; Ratio vnica est, quia centrum grauitatis debet esse in lineâ directionis; alioquin nō seruatur æquipondium. Eadem autem ratione demonstrari possent, motus auium & piscium, funambulorum & luctatorum ordinariè loquendo, &c.

Fieri potest scala, per quam duo pariter ascendant, & tamen in contrariam partem tendant.

IX.

MACHINÆ Scanforiæ & Tractoriæ, hoc maximè principio nituntur. Quæcumque mouentur aut mouent in orbem, in vecte, in rotis, & similibus machinis, quocumque situ constitutis, eâ proportionē facilius, validius ac citius mouentur & mouent, quâ proportionē longius distrahuntur à centro circa quod mouentur, siue motus oriatur ab innatâ grauitate, siue ab extrinsecâ potentia motrice. In hoc genere sex sunt principes machinæ, libra, vectis, trochlea, axis in peritrochio, Cuneus & Cochlea in quibus considerande sunt, quantitates virium mouentium, ponderû, & motuum, spatorum & temporum quibus mouentur; ordinariū est autem tantò longiori tempore & per longius spatium moueri potentiam, quantò maiorem habet per machinas facilitatē.

Potentia mouens aliquod pondus, addito nouo pondere interdum facilius mouet.

X.

ARTIS ponderariæ principium est, tunc fieri æquilibrium, quando pondera sunt brachijs libræ proportionalia permutatim; in ponderibus autem obliquè ponderantibus mutatur grauitatio prout inclinatur planum super quo sustentantur; vt videt est circa globos obliquè incidentes in mœnia, aquam obliquè descendentem, ventos lateraliter impellentes, & similia corpora quæ mouentur veluti super planum horizonti

inclinatum. Libra centrum habens exactè medium, & æqualia hinc inde brachia & pondera, si dimoveatur à suo situ, non restituetur in locum pristinum, sed immota consistit, si verò ponatur obliquo situ cadere tota vsque ad centrum mundi, eundem semper situm obtinebit per se loquendo, etiam propè centrum mundi.

Potest vacua libra aequilibris esse, & impositis inequalibus ponderibus aequilibris permanere.

XI.

INFINITIS modis absolui potest Archimedeum problema; Da mihi ubi sistam, terramque mouebo: & infinitis machinis. Imò etiam dato vecte quolibet breuissimo, modo sit firmus, commoueri poterit à datà potentiâ pueruli, datum pondus tellure maius. Nemo autem sine Archimedis hypothesei terram transferet, eâ ratione quâ pollicebatur, quamuis alio quodam motu, negandum non sit, eam percelli posse, verbi gratiâ per multas bombardas in obiectam rupem simul explosas, sicut naui promouetur excussio à puppi in proram aliquo corpore cum notabili impetu, & violento vento- rum aut vndarum turbine, similes terræ motus contingunt.

Superior, Trochlea, nullam per se loquendo facilitatem affert potentia mouenti.

XII.

ISTRUMENTA omnium penè artium propria, ad 5. principes machinas re- uocantur; ad vectem & semidiametrum circuli oblonga quælibet corpora, in quibus appareret motus aut impulsus in orbem: ad axem in peritrochio, rotæ aut tympana eiusdem generis: ad cuneum quæcumque percussione vel impulsu incidunt, dinidunt, perforant, &c. Cuneus autem validissimè findit triplicem ob causam. Prima quòd sit quasi duplex vectis: Secunda quòd acuminatæ figuræ: Tertia quòd percussione commotus: ubi ad- mirabile est, quod si cuneo, securi, & similibus imponentur mille mallei, aut pondus mille plurimum librarum, si eidem aptetur cochlea, aut vectis, aut alia quæuis machina, sine percussione, nullius penè momenti præ ictu continget effectus.

Baculus, super duobus Scyphis vitreis, aut super paleis, frangi potest, non fractis paleis aut vitris.

XIII.

CVR fundæ & balistæ tam violenter contorqueant saxa; Cur veterum Aries per funem suspensus violentior: Cur longiores hastæ, per extremitatem difficilius, se- rantur aut eleuentur, quàm per medias partes; Cur ligna genibus applicata aut pedibus supposita, per extremum apprehensa facilius frangantur: Cur quò antenna sublimior eò celerius feratur naui; Cur modico gubernaculo naui ingens obliquetur: Cur tanta remorum virtus præsertim in medio naui; Cur securis adacto per longius manubrium ictu validius scindat, Cur pondus manu detentum plus negotij faciat exporrecto bra- chio quàm contracto. Cur forfices, forcipes, dentiduci, nucifrangibula, facilius scin- dant & moueant, quò longiora habent brachia, Cur vniuersè loquendo maioribus ma- nubrijs facilitetur instrumentorum motus, vnica causa est facilitas vectis, præsertim longioris, & distantæ ponderis aut potentie motricis à centro motus.

Catapulta, solo aëre & aquâ plena, globos iusta magnitudinis eiaculari possunt.

XIV.

INGENIA hydraulica, Pneumatica, & Pyrothecnica, cuiusmodi sunt fontes iucun- dissimi, hydrochorologia communes & proprios aëtorum motus exhibitia, organa

harmonicis rationibus perfecta, excitatæ à Tarentino columbæ volantes, à Regio-Montano aquilæ, Dracones subsultantes, sigilla automata, &c. præcipuam causam habent rarefactionem & condensationem ignis, æris, aut aquæ, metum vacui ac penetrationis, & aliquando secretum machinæ resurgentis artificium. Porro rarefactionem & condensationem propriè dictam, sine ingressu aut exclusionem corporis extranei, possibilem esse: vacuum autem ac penetrationem, naturæ creatæ viribus repugnare, eodem experimenta demonstrant, quod sunt igneæ, spirituales, & aquatiles machinæ.

Celeritati motus, nulla resistens est inuincibilis, ut patet in sagittis, in globis immentorum, in fulmine, turbine, &c.

XV.

RAREFACTIO & condensatio interdum oritur ex formâ substantiali, interdum & frequentius à motu locali: Frequentissimè verò ab alteratione primarum qualitatum, caloris præsertim & frigoris: Calorem naturâ suâ rarefacit, si frigus verò condensat. Fit sine acquisitione aut amissione nouæ quantitatis, per solam maiorem aut minorem extensionem localem. Corpora humida & fluxilia, reciprocâ vicissitudine faciliè rarefunt & condensantur, sicca autem & dura, potius franguntur, quàm rarefiant, licet obscuram quandam partium extensionem & compressionem in illis admittendam esse constet, ex tremore quorundam metallorum, vitri, ligni, vasorum & campanarum &c.

Aqua in naturali statu accepta vix patitur condensationem sensibilem, nisi frigore congelante aut maximo conatu.

XVI.

CERTVM est naturaliter loquendo, non posse corpus exiguum, verbi causâ æreulæ granum, atomum, aut aquæ stillam rarefieri in quantamlibet amplitudinem ut toti mundo aut Oceano magnitudine respondeat. Supernaturaliter autem, licet nulla appareat contradictio, præsertim in casu quo Deus vellet creare nouas formas & accidentia, quæ rariorem infinites materiam postulerent: In causâ tamen eorum quæ nunc sunt, si quid tale fieret destruerentur essentia, & proprietates rerum naturalium. Rarefactionis in ære, aqua, fumo, cæterisque eiusmodi, naturaliter possibilis quantitas, Thermoscopio, Æolipylis, similibus instrumentis aliquatenus mensurari potest, non tamen præcisè: cum actualis rarefactio varietur, pro diuersâ aëtiuitate causarum rarefactionis & condensationis.

Nullum corpus in hoc vniuerso tantum grauitas, quantum in seipso est graue.

XVII.

IN vacuo, inani, & spatio imaginabili, cui diuina immensitas per Catachresin cœlestere dicitur, possent moueri corpora, non tamen in instanti. Fieri potest ut idem pondus æquali celeritate per plenum & per vacuum moueatur, imò clarissimum est, tardiores esse posse molæ asinatæ descensum in vacuo determinatæ alicuius quantitatis, quàm in æquali æris interuallo: falsum est velocitatem motus aut tarditatem, absolute loquendo densitati mediorum aut magnitudini corporum esse proportionalem: fieri potest ut atque omnino pares, per ærem eiusdem raritatis, eadem virtute, eodem tempore duas sagittas paris molis & figuræ, ita excutiant, ut vna duplum excurat si alia quod decurrit altera.

Vnum quodque corpus, quò tenuius est, hoc violentius mouet.

XVIII.

SPIRITVS, qui propria est spiritalium materia, nihil aliud est, quàm tenue ac subtile corpus, minimè conspicuum, ferèque aëreum, cuiusmodi est, vêtus & fumus à vaporosis haliculisque corporibus exolutus, partim agente virtute Solis & Astrotum, partim etiam elementari calore, qui per omnia mundanæ molis membra diffusus, toto se corpore miscet, & in ipso telluris gremio, fluuiatiles, marinas & palustres aquas, terram madefactam & pinguem, omnis generis plantas. metalla, mixtaque cætera, velut in fornace destillatoria calefacit, extenuat, eorumque particulas, in substantiam aëri affinem commutat; quemadmodum in animalibus, calor cordis, tanquam Solis & fornacis, attenuatum sanguinem in spiritus vitales & animales euaporat; verissimè autem dictum est à Philosopho spiritum maximè omnium corporum habere vim mouendi, quia vehementissimus est ob celeritatem, & per longissimos tractus se infinuat, ob fluidam tenuitatem.

Millesima terræque globi portio, in halitus resoluta, totam firmamenti capacitatem implere possit.

XIX.

SPIRITVVM violentia apertissimè se prodit. Primò in ventis, qui nihil aliud sunt quàm spiritus naturæ suæ frigidus & siccus, interdum verò per accidens humidus & calidus, qui paulatim à terrâ sublatus, rarefactionis, reflexionis, condensationis vicissitudine, &c. varias motionis causas accipit. Secundo in terræ tonibus, tonitru & Cuniculis subterraneis, quorum violentia oritur à spiritu incluso. Tertiò in motibus animalium præsertim phrenesi, rabie aut iracundiâ furentium, quorum impetus & conuulsiones sunt spiritibus accensis, valdeque rarefactis & condensatis. Quarto in motu proiectorum, quæ separata etiam ab ipso projiciente, mouentur nihilominus deferente impetu ac spiritu, sine qualitate illâ realiter distinctâ quam nonnulli volunt imprimi projecto.

Sic vter capax mille pedum, cubicorum, hunc puer intra aerem inflare possit; Decuplo robustior homo, eundem aquis immersum, non inflaret.

XX.

NVNQVAM aqua fontium aut Maris, nisi violenter, supra suam originem assurgit, neque fontes, omnes saltem, à mari immediatè prodire possunt; potest tamen in vno fonte, vna medietas aquæ fluentis, efficere alterius ascensum, qui deinde propagetur ad maximam celsitudinem. In siphone inuerso, quamuis pars altera millecuplo amplior esset, quocumque demum itinere fluat aqua, per hanc partem, nunquam coget alteram ascendere, quando venerit ad æquilibrium; Vnde si totum mare Cylandrico vase clausum esset, fieretque iuxta ipsius fundum tubus altitudinem habens mari æqualem, impleteretur quidem tubus, sed nihil prorsus efflueret.

Dari potest planities perfecta, in cuius superficie tota sublimaris aqua, sine Spondis, & absque periculo effusionis consistat.

XXI.

AQVA omnis tantum ascendit quantum & descendit; Quare si duo essent Montes proximi, fieretque tubus plumbeus à vertice vnus, per vallem, vsque ad alterum, per hunc tubum descenderet fons existens in vno monte; Et tantum ascendere ad alium montem, Contra in siphone vulgari tantum descendit aqua quantum & ascendit. quare constructo

per montis accliuatatem tubo plumbeo, potest fons ex vnâ parte montis scarniens, deduci per cliuam ad habitatores in oppositâ radice montis; Si enim paretur tubus per cliuam & impleatur aquâ. factio in summitate montis foramine ac deinceps obturato, semper in posterum fluat. Admirabile est in hoc siphone, partem alteram, multo maiorem esse posse alterâ intra humidummersâ, nunquam tamen reddere aquam, vbi deuenit ad æquilibrium.

In Cochleâ Archimedis. & in tubo spirali, cuiusmodi est cornu venatorium, potest aqua per eundem descendens ascendere, & ignis per eundem ascendens descendere.

XXII.

COMPRESSA in tubis aqua violentius fluit, & quidem in tubis inclinatis, eâ proportionem quâ augetur inclinatio; In tubis autem rectis copiosior & velocior fluit, quâ proportionem crescit longitudo tubi; Omnis verò aqua, siue quiescens, siue commota, siue libera, siue clausa, perpendiculariter grauitat supra suum fundum, sed tantò minus, quantò celerius mouetur. Sit totum mare vase cylindrico clausum esset, fierique iuxta ipsum tubus altitudinem habens supra Mare vnus milliarius: qui vellet, compresso mari, aquam cogere, vt per tubum ascenderet supra suam originem & Maris superficiem; Tantam vim adhibere deberet, quanta esset grauitas Cylindri Aquei, altitudinem habentis vnus Milliarius, basim autem Mari æqualem.

Possibile est, nauim, proprio pondere, sine externis iniurijs, in portu aut aquâ fluminatili, praesertim aestiuo tempore submergi, quamuis in Oceano, secutè nauigari.

XXIII.

QVÆ de momentis Libræ, & lineâ directionis dicuntur, facillè transferuntur ad liberationes nauium, rerumque in humido fluitantium; Optimè autem libratur nauis, si polus eius ita deprimatur infra superficiem aquæ, vt violentia ventorum expansis velorum sinibus excepta, perpendiculum vix immutet. Librata nauis, cuiusque virtutis, remorum, auræ, clauis, fluminis deferentis, funis trahentis, obediens, modò ista circumiectum aërem & humidum diuidere possit. Nauium cauitas parabolica, ex mète Archimedis est commodissima. Non solum, flante vento, à puppi, verum etiam à collaterali, nauis dirigi potest ad destinatum locum.

Contingit non rarè, vt immensis aquis sulcatis, eodem loco consistat nauis.

XXIV.

GRAVIA corpora in humidum demersâ minus grauitant, leuia ex opposito magis fluitant, pro ratâ portione & grauitate humidi, cuius locum occupant. Magnitudines autem aquâ leuiiores secundum speciem, tamdiu merguntur, donec occupent locum aquæ sibi æqualis in pondere, ex quo facillè colligitur quantum oneris ferre possint naues, vtres, dolia, & similia; Quantum nimirum est pondus aquæ cuius locum occupare possunt. Item quantum diduci debeat, moles, aurea, ferrea, argentea, cuprea, &c. vt per modum scaphæ supernantent aquis; Supernatabunt enim, si, exscutæ, fiant maiores aquâ æqualis secum ponderis; Quod quidem accidet, si moles aurea, 10. plumbea 12. argentea 11. cuprea 10. ferrea 9. stannea octies maior fiat aquâ æqualis secum molis.

Infulas, de fallo & de possibili, finitane naturaliter, experientia simul & ratio demonstrat.

XXV.

RATIO cur nauigia quædam non submergantur, cui laminæ metallicæ & acus ferreæ, & ramenta metallorum, supernatent aquis, petitur, remouet scilicet, tum ex medijs ipsius resistentiis, tum ex nauigiorum rerumque innatantium figurâ. Tandiu autem resistit immersioni vnumquodque medium, quamdiu moles humidi, quæ ab immerso corpore excludi debet, eodem corpore immisso grauior est. Cur autem, aquis præfocati, post aliquod tempus supernatent, causâ potissima est, quia partes terreæ absterguntur & copiosus aer in corpore generatur, unde & corpus mox utris inflatur, potest autem ex felle nonnulla etiam causâ peti, videntur enim, fel bouinum, eleuare colores in valis fundo contentos.

Aqua profunditatem habens folij chartacei, vel vnius uncie pondus, sustinere potest nauem & pondus centies mille librarum.

XXVI.

POTEST vna libra aquæ aut alterius humidi, decem, imo centum & pluribus in infinitum libris plumbi, alteri lanci impositis æquè ponderare, licet omni prorsus vitio bilanx careat, & brachijs æqualibus sit prædita. Potest bilanx in aëre, libratam positionem habere, quæ tamen, intra humidum, ipsâ onerata ponderibus, æquilibrium amittet. Varijs quidem modis grauiæ & leuiæ diuersæ speciei inter se conserri possunt, per balances, per demonstrationes Arithmeticas ac Geometricas, vt illorum pondera & proportionem, quoad grauitatem & magnitudinem definiantur. Sed insignis videtur Mechanica ratio, quæ per vas aliquod regulare supernatans humido, & per immersionem intra aquam, hæc omnia examinari posse demonstrat.

Aërea imò & ignea leuias, per balancem certò examinari potest.

XXVII.

IVCUNDE luditur in humido, quando illius ope determinatur præcisè, quantum grauitent aut leuient, proposita quæuis corpora, quæ proportionem, quâ lege, quo conatu, mergantur, aut emergant, intra quodlibet humidum: Quando demonstratur, quod pondus necessarium sit, vt magnitudines aquâ leuiiores adiuncto quodam pondere mergantur ad libitum, vel in præcisâ humidi superficie, in medio aut in fundo detineantur: quando datâ naui aut alterius corporis demersâ parte, ipsius naui pondus, datoque naui pondere, demersæ demergendæque partis magnitudo, simulque grauitas & quantitas humidi, dato corpori æqualis secundum molem, assignatur: Quando denique, pondera aquis obruta, sursum educuntur per magnitudines aquâ leuiiores, quo artificio, etiam terra tota, per multas naues in mari positas, concuti possit.

Naui deducta lapsu fluminis, quod asium non patitur, eò sit pigrior ad motum, quò plus sparii consecutum est.

XXVIII.

PROPONANTVR duo corpora metallica æqualis ponderis. v. g. Aurum. & plumbum, firmiter inclusâ duabus pyxidibus omnino æqualibus, ita vt post inclusionem omnia æquè ponderent: Mathematicus, etiam sine immersione in aquam, relicto plumbo, certissimè aurum eliget, intemerataque pyxide quælibet metalla discernet. Deprehensum ab Archimede auri argentique, in diademate aut simili massâ, mixturem, multipliciter hæcenus exposuerunt authores, per Algebram & per regulas proportionum. Sed his omnibus modis, potuit Hieronis aurifaber, exprobare Archimedi fallaciam.

C

ciam in furto detegendo, partim ex figurâ, partim ex lacunosis partibus; Si tamen fallaciæ quæ ex figurâ oritur, per doctrinam eorum quæ vehuntur in humido, succurri potest.

Si quis dolio gestes pisces, illos, quæ natate cogat, non perinde se onere subleuat, ut qui canes gestans aues, illas per canem volutare compellit.

XXIX.

SIT columna marmorea, è lacunari pendens, eique vas aliquod manibus supponatur & sustineatur, tantæ capacitatis, ut 4 pedes cubicos columnæ, intra se contineat. Columnam tamen non tangat, sed proximum sit vndique. Inijciatur intra vas tantum aquæ, ut vacuum intra vas & columnam repleat. Dico hanc aquam licet modica sit, plus ponderaturam quam 4. pedes cubici aquæ. Si vas aliquod sphaericum ambiret medietatem terræ, eadem conditione iniecta aqua plus ponderaret, quam moles aquæ medietatem terræ æquans.

Sugenda, eleuare potes aquam, ultra æquilibrium, quam mille homines aëstibus Machinis comprimentis non attollerent.

XXX.

VIOLENTIOR est ictus, clatæ bombardæ, quam libræ, si spectetur impetus ex parte tormenti, modo intra certos terminos eleuetur, vsque ad quantitatem anguli semirecti, vel sex punctorum, adeo ut pro varietate punctorum, semper augeatur impetus, & sex punctorum eleuatio ad horizontalem comparata, impetu sit plusquam tripla; si verò consideretur effectus ex parte dispositionis murorum, sæpe violentior est ictus globi; perpendiculariter ferè incidentis in mœnia, quam eius qui ad obliquos angulos. Ignis prout assurgit in altum, non pyramide recta, sed potius inuersa affurgit, dilatans sua spatia, si verò claudatur intra tubum, mitificè augeat virtutem suam. Duobus modis infumibula iuuantur, vno si dilatentur in summo, sic enim ignis se dilatans, fumum pellit; altero si fiat intra caminum & propè ignem species quædam infundibuli inuerti, sic enim tubo coactus ignis, maxima violentia protrudit fumum.

Lucerna ardentes, in sepulchris aut alijs locis, diuturno tempore, non tamen perpetuo, durare possunt.

PROPOSITIONES COSMOGRAPHICÆ.

I.



COSMOGRAPHIA, est totius vniuersi & præcipuarum eius partium descriptio, quoad locum, figuram, motum, magnitudinem, illuminationem, umbram, & similia horum consuetaria. Eius partes censentur, Astronomia, siue tractatus de sphaera cœlesti & artificiali, similibusque instrumentis, Theoricæ planetarum, Tabulæ Astronomicæ, Computus Ecclesiasticus, Chrononica siue tractatus de horologijs, Geographia, & Astrologia iudiciaria. Quatuor sunt in toto illius negotio præcipua. 1. Phænomena & obseruationes eorum quæ contingunt in cœlis. 2. Hypothesiæ circulorum & orbium, Excentricorum, Epicyclorum, &c. Apparatus explicandis idoneæ. 3. Geometricæ demonstrationes & rationes physicæ, suppositionibus confirmandis aptæ. 4. supputationes Arithmeticæ, quarum calculo, Astrorum motus, magnitudines, & distantia, tum à centro terræ, tum à se inuicem, numeris definiuntur.

Si aqua supracœlestes, habeant profunditatem unius miliaria, continent terrestres aquas, multo plus, quam numero mille millionum: si tantum unius passus, continent plusquam ter milles.

II.

DE fide est mundum non fuisse ab æterno, fidei proximum esse vnicum, ratione tamen naturali aut experientia neutrum cōvinci potest. Mundus non fuit ante 5674. annos, quando autem generali incendio conflagrare & renouari debeat, temerarium est asseuerare, dubium conijcere, securum providere. Probabilius est in illius productione Deum insumpisse iustum intervallum sex dierum, & totam abyssum aqueam telluri superfusam, in tres portiones diuisisse; infimam intrā cavitates terræ conclusit, eiusque partem assumpsit pro materiâ præcipuâ mixtorum, quæ omnia ferè ex prædominio sunt aquæ; Mediam rarefaciendo commutavit, in aërem, ætherem, ac cœlestia corpora, quo modo supracœlestes aquas ab inferioribus sciunxit, congregans sicut in vitæ aquas maris, ponens in thesauris abyssos.

Elementa præpostero ordine poni potuerunt, sic, ut ignis infimum; aër secundum; aqua tertium; terra supremum locum obtineret.

III.

PRODVCTVS est mundus, tempore æquinoctij verni, die Dominica, horâ sextâ Astronomicâ respectu Hierosolymitanæ vrbis. Non est in loco Aristotelico, sed in spatio imaginabili, & ipse sibi locus est. Nulla ratione Philosophicâ novimus an totus transferatur motu lationis. Figuram habet sphericam, saltem in conuexo Firmamenti: constat elementari regione ac cœlesti; Elementaris, continet à centro ad concavum Lunæ, sc. semidiаметros terræ; In medio illius est terraqueus globus, immobilis, quia paribus vndeque libatur ponderibus, nec mutat centrum nisi ex aliquâ parte prematur, aut subleuetur pondere maximo, quod circumiacentem aërem diuidere possit. Si fieret sensibilis motus terræ, in vnam tantum partem, ædificia multa ruerent.

Qui solius agelli Dominus est, potest ambulare per suum agellum, plus quam ter mille miliaria in directum.

IV.

TERRA olim perfectè spherica, deinde tot asperata montibus, quot cavitatibus depressa, ad recipiendas congregationes aquarum, paulatim redit ad suam sphericitatem, quando alluione pluuiarum & fluminum, montuosa terra in valles recedit, & maris ac fluminum aluei, arenâ & limo cumulantur. Ex quo sequitur, naturaliter loquendo, non potuisse hanc terram ab æterno esse habitabilem, ut nunc est, neque in æternum esse posse; Reducta enim ad perfectam rotunditatem, inundabitur aquis, nisi humanâ diuinæque virtute, eruptiones maris impendantur, aut futura conflagratione ignis Cataclysmus ille præueniatur.

Elementa non habent nunc proportionem decuplam, habuerint in initio mundi imcerium est.

V.

SEMIDIAMETER terræ ex veriori sententia est 3436 milliar. ambitus 11600. Ita ut vni gradu cœlesti, in terra, respondeant sexaginta miliaria. Multis argumentis

C ij

hanc terræ magnitudinem demonstrant Astoromi, partim inquirendo quantum spatium in terrâ vii gradui respondeat, partim diametrum aut semidiametrum inuestigando. Evidens est autem, licet fortè minùs practica demonstratio, quâ ex approximatione ponderum, quæ in centro conuenirent, colligitur quanta sit semidiameter terræ. Horizontis sensibilis quantitas, pendet ex diuersa altitudine oculi supra terram, & quantitate ambitus terrestris; Si septem pedibus eleuetur oculus, & prædicta terreus ambitus quantitas teneatur, illius Horizon sensibilis vix habebit diametrum 8 miliariorum. Hic tamen oculus, videbit plusquam medietatem firmamenti, sed minus quàm medietatem cæli lunæ, occurret autem vero Horizonti circâ orbem Solis.

Sol illuminat plusquam medietatem cuiuslibet Astri, in terrâ autem, 14 minuta, ultra medietatem hinc & inde collustras.

VI.

QUOD aliqui montes altius ascendant, quàm vnde imbres aliqui cadunt, facillè conceditur. Quod autem extrâ vim omnè ventorû & vaporosi aëris affurgat, planissimè falsum est, quia ordinaria montium altitudo, ad perpendiculari reëtitudinem dimensa, vix est trecentorum passuum, rarò semimilliaris, rarissimè, vnus miliaris, & vix reperias montem habitabilem, qui duo millaria celsitudinis attingat: ær autem vaporosus, altitudinem habet 50 ferè miliariorû: Montis Athos vmbra, vsque ad Lemnos Insulam 15, leucis distantem projici ferunt, sed falsò, nisi fortè marutinam aut ferotinam vmbra intelligant, at ex illis, altitudinem montis malè colligunt. Aristoteles primò Meteororû auctor, Caucasum Montem altissimum esse eorum qui ad Orientem æstiualem, tum quia videtur à profundis, & à nauigantibus in stagnum, tum quia illustrantur à Sole ipsius summitates, vsque ad tertiam partem noctis. Postremum hoc intelligendum est de creperâ luce, vt Aristotelis asserit, cum germana montis altitudine, & Astronomicâ, demonstratione conciliari possit.

Minus obijci telluris Sphæricitatis montes, quàm globo pedali capillus, aut decima pars granuli papaueris, obijci possit.

VII.

LOCVS naturalis aquæ est supra terram & infra aërem. Figura Maris & cuiuslibet humidi consistentis, est sphærica quoad superficiem conuexam, cuius centrum idem est cum terræ ac Mundi centro: omnia Maria, exactè sunt æquè alta, respectu Centri terræ. Necessarium est certis temporibus ex parte Oceani Aquilonaris, defluere aquam ad partes Zodiaco subiectas: Mare Oceanum, ab Oriente ad Occidentem moueri, tradunt aliqui, propter nauigationes ex illa parte faciliores, quàm ex contrariâ; sed istud oriri potest ex ventis ab Oriente flantibus. Fluxus & refluxus maris, conuenienter ascribitur lunæ, tanquam præcipuæ causæ, promouent tamen, impediunt, ac iuuant hunc motum, Sol, stellæ fixæ, calor igneus, æreus, subterraneus, cum halituosis flatibus & vaporibus, qui reciproci vicissitudine rarefiunt, condensantur, & mari permiscantur; accedit varia dispositio marium, variusque situs, quo Lunam respiciunt.

¶ Fieri potest, ut astu solo deferente, ex eodem loco, & eodem tempore, Orientem aut Occidentem petas.

VIII.

PROFVNDITAS Maris ordinaria est semimilliaris, maxima verò vix sesquimilliaris, vt testantur recentiores Nauæ, qui totum ferè Oceanum bolide perstrutari

sunt; Potest autem etiam sine bolide investigari hæc profunditas, deprehensio tempore quod consumeretur, artificiosâ immersione emersioneque suberis, intrâ mare: superficies maris dimidium ferè terraquei globi circumtegit, habens miliaria quadrata 74228400 nondû tamen est perfectè detecta, præsertim in Australi & Aquilonari plaga. Soliditas aquæ tanta ferè est, quanta & soliditas montium, aqua enim replet cavitates à quibus extracti sunt. Si ponatur vbique in mari profunditas vnius miliaris, vt omnibus compensatis, simul etiam paludum, lacuum, ac fluminum aquæ superentur, continebit soliditas aquæ, miliaria cubica, 74228400. ex quo sequitur terram esse maiorem aqua 2290.

Ægyptiacus Isthmus perfodi potuisset absque inundationis periculo.

IX.

AER elementaris non tam ascendit suprâ aquam, eò quòd actiue leuitur, quàm ratione aquæ grauitantis, quæ circumpremo aërem sursùm pellit, sicut nucleus digitis compressus pellitur. Aër purus, omnino diaphanus est; halitusosus, partim transmittit, partim detinet ac reflectit lumen: præcisâ aëris altitudo, peripheria, superficies, aut soliditas, ignota est, quia ignoramus confinium aëris & ignis, & quamvis vapores crepusculares, non ascendant vltra 50 miliaria, possunt alij subtiliores alius ascendere, potestque aër vltra Atmosphæram, latissimè diffundi. Probabilius est dari suprâ aërem ignem elementarem, quem nos ætherem vocamus, licet mixturæ illius particulæ per alia corpora & elementa disperse sint, ad generationem Mixtorum: creditum est hæcenus ipsum agitari ab ortu ad occasum, verò simili quidem opinione, non tamen necessariâ, neque sufficienter probatâ.

Si cælum aut stella caderent, quidnam inde timendum? etiamsi graues essent, tangerent tamen terram in solo puncto & mutuo sese occursum impedis possent, priusquam illam tangerent.

X.

COELESTIS regio fluidissima est, rarissima, facilèque permeabilis: & quamuis probabile sit, firmamentum quo velut cingente muro rerum vniuersitas ambitur, durum esse atque adamantinum, cuius fundo inhæreant stellæ fixæ, velut gemmæ in coronis & nodi in tabulis, probabile est pariter contrarium. Non possunt autem, cum duritiæ Cæli planetarum, commodè explicari. Primò motus Cometarum, quorum plurimi supralunares fuerunt, & inter cæteros Cometa anni 1619. Secundò apparentiæ nouarum stellarum. Tertio motus Martis, nunc iustrâ, nunc suprâ Solem. Quartò macularum solarium diuersitates. Quintò motus Planetarum, Iouis & Saturni Satellitum. Sextò Incrementa ac decrements Veneris, & similia, quæ hæcenus detecta sunt exquisitis Instrumentis ac Telescopijs, & in posterum melius detegentur.

Excentrici & Epicycli necessarij sunt, sed imaginarij tantum, & quamvis reipsa dæmonstratur, nihil illos mouere posses.

XI.

QVATVOR in vniuersum motus obseruantur in cælis. Primus est diurnus ab ortu ad occasum; Secundus proprius ab occasu ad ortum, seu potius à partibus Occidentalibus ad Orientales, apparenter magis, quàm verè retrogradus. Tertius motus trepidationis, seu librationis primæ, à Septentrione ad Austrum, & contrâ per

spatium 24 minutorum. Quartus motus librationis secundæ ab Oriente in Occidentem & contrâ, per modicum intervallum. Quartus merito suspectus est. Tertius mundum plenè videtur cognitus, hic tamen cum duobus primis supposita etiam excen- tricitate Planetarum, explicari potest per motum mixtum, & certo modo spiralem, singulis Planetis, & stellis fixis, imò & Cometis convenientem. Mouvantur ne Cæli fluidi cum Planetis, sicut fluvius cum naui aut pisce, & ventus aut aër cum corpore quod defert, parvi interest: possunt enim astra, & sola, & cum cælo fluo- pariter moveri.

Dua sunt, imò multiplices in Cælo Luna realiter distincta, habentes Incrementa & decrementa luminis.

XII.

PLANETARVM & cælorum ordo, multis argumentis certissimè concluditur. Primò ex Eclipsibus? Secundò ex umbris, siue realiter, siue imaginariè profutis. Tertiò ex motu proprio Planetarum. Quartò & certissimè ex parallaxi. Ex quibus constat, Lunam esse infimam, cui succedunt ordinatim, Mercurius, Venus, & Sol, Deinde Mars, qui tamen interdum descendit infra Solem, habens aliquando parallaxim 4 minu- torum maiorem Solari, aliquando minorem tribus minutis, cum tamen Sol habeat paral- laxim 3. mi. 7. sec. His supersunt Iupiter, Saturnus, & Stellæ fixæ, quarum parallaxis est in- sensibilis. Iisdem argumentis præstantiores quique Astronomi, etiam Philosophi, Stellas in Cassiopeia, Serpentario, Cygno, alijsque locis visas, in ipso firmamento collocatas esse voluerunt: Cometæ autem plurimos in Planetariâ regione posuerunt, quicquid sit, an consistent materiâ cælesti, an sublunari, an sint stellæ extemporaneæ, an durabiles & certo tempore descendentes, quorum utrumque probabile: Constans verò effica- cetutia caudatum illorum systma oriri ex transfusione radiorum solarium.

Homo, sex annis continuè, quotidie decem leucas perambulans, non conficeret tan- tum spatij, quantum efficit Luna singulis horis.

XIII.

LVNA, vnico spirali motu, totam suorum itinerum varietatem complectitur. Diurnam revolutionem perficit, 25. quasi horis: ita ut in mediocri distantia, singu- lis horis conficiat milliaria 50400. quantum efficeret auis, quæ quinquagesies sexies vnâ horâ, circuitum terræ absolueret. Motu proprio Zodiaci longitudinem decurrit periodico mense dierum 27. hor. 7. min. 43. Tardius tamen movetur non oia proptèr, quàm sol aut ceteri planetæ, & quamvis duodecies in anno Zodiacum percurat & ali- quid amplius, quando Sol semel tantum in anno gyrum suum perficit, non decurrit tan- tum spatij tot gyrationibus, quantum sol vnica.

Eadem nocte, Luna cornua, Orientem & Occidentem solem. respicere certum sunt.

XIV.

LVNA quadragies ferè minor est totâ terrâ. Accipit lumen à sole, & Phases illa- liquibus corniculata, gibbosa, plena subinde effulget, inde proueniunt, quod ipha- ricè illuminetur. Quando crescit, auersis à sole cornibus Orientem respicit, quando decrescit, Occidentem. In quadrato aspectu, semicirculo maior apparet. Neque ipa

neque vllum aliud astrum, reflectit ad nos lumen more speculi conuexi. Quin potius ope Telescopij detegitur varijs asperata montibus, quorum altitudo interdum est quatuor miliar.

Luna oriens non videtur & ante occubitusum disparat, & post plenilunium adhuc plena conspicitur.

XV.

QUOD Luna adolefcent, secundum partem nondum à sole collustratam, albicans videatur, præsertim si pars falcata lateat post fastigium alicuius turris, referri potest vel in semidiaphaneitate Lunæ inæquabili luce persulfæ, vel certè in lumen à terrâ reflexum. Terra enim & Luna sibi mutuo communicant lumen, & pariter ferè illuminantur: vnde si essemus in loco Lunæ videremus in terrâ quadraturas, pleniterria, &c. Sic etiam Luna eclipsata solari lumine refractò, vel ab alijs astris reflexo collucet. Maculæ ipsius, sunt partes decliuiores vmbrosæ, vel partes, quæ lumen absorbent, non reflectunt.

Planeta numquam sunt in aspectu trino, quadrato, sextili, &c. neque inter se, neque cum stellis fixis.

XVI.

SOL est centrum omnium planetarum, exceptâ Lunâ: ita vt circa ipsum magnis Epicyclis & spirali ductu Mercurius, Ven. Mars, Iup. Sat. moueantur. Non est tamen immobilis in centro mundi, vt somniauit Copernicus: fons est totius luminis, ex quo reliquorum syderum fulgor deriuatur. Figuram habet sphericam, licet appareat Ellipticus propè horizontem, & interdum quinta diametri parte diminutus ob refractiones: quod cæteris etiam planetis ac stellis fixis suo modo euenire credendum est. Maculæ nigricantes quæ circa solem deteguntur, ope telescopij & vitri colorati; præsertim vaporoso aut aliquid nubo tempore, vel transfusus in obscurum locum solaribus radijs, sunt corpora opaca, quæ propè ipsum circumuoluuntur, irregulari motu, ferè 15. diebus; variant figuram, numerum, & magnitudinem, quæ tanta est in quibusdam, vt lunam superet, terram penè adæquet.

Sol ante exortum & post occubitusum videri potest.

XVII.

LUNA in mediocri remotione, à centro terræ distat semidiametris terræ 56. Sol Merc. Ven. 1142. Mars 1745. in minimâ 761. in maximâ 2729. Iupiter 3990. Sat. 10550. Stellæ fixæ & firmamenti 14000. Cometæ autè variâ habent distantiam in regione planetarû. Sol in Apogæo distat 1182. semid. In perigæo 1101. Lunâ apogæa 61. perigæa 52. quare excentricitas Solis erit semid. circiter 40. cum dimidio, & dimidia crassities cœli Lunæ, seu excentricitas erit semid. 4. & semis. Porro tantam cœlorû ac syderum magnitudinem admittere, quantam ex Alphragano & Alphonsinis, aut ex falsis Copernici hypothefibus, recentiores aliqui posuerunt, ab omni ratione alienum videtur.

Iosuaana Solis statio, quamuis totam diem duplo longiorem fecerit, nihil tamen immutauit in horologijs sphericis, & instrumentis, aut tabulis Astronomorum.

XVIII.

VMBRA terræ & omnium syderum est conica, illa habet in longitudine semid. terræque globi 264. Lunam eclipsat, non autem superiores planetas. Maxima

Lunæ umbra in nouilunio habet 67. semid. ideoque terram attingere, imò & cuspidem suam transcendere potest, in plenilunio Venerem eclipsare non potest, neque Mercurius Venerem, Venus Lunam, Mars Iovem, Iupiter Saturnum. Saturni tamen umbra, potest attingere stellas fixas, si earum distantia à terrâ sit tantum 14000. Terra continet soliditatem Lunæ 40. Mercurij 19. Veneris 6. Martis 13. Coelestium 11577. Centies. Stellarum sextæ magnitudinis ferè semel. Sol autem continet soliditatem terræ 140. Iupiter 14. Saturnus 22. Stellæ primi honoris 70. secundi 28. tertijs vndecies Stella noua Cassiopeiæ 360. Cygni vndecies, Serpentarij 360. Firmamentum 274400000000. Æther 140608. Telluris autem soliditas conuenit milliaria cubita 170032521600. Ex quo facillè ipsorum etiam astrorum inter se magnitudines Geometrica colliget.

Errat minutis 15. qui ex umbrarum protensione, altitudinem Solis inquirat, etiam sine refractione, & cum refractione pluribus.

XIX.

OMNIA Astra diurno motu circumaguntur ab ortu ad occasum, sed ab occasu ad partes Orientales, Sol Mercurius & Venus motu medio totum Zodiacum: percurrunt vno anno æquinoctiali, id est diebus 365. horis ferè 5. Luna 27. diebus, horis octo, licet non assequatur Solem, nisi 29. diebus tredecim ferè horis. Mars vno anno 322. diebus. Iupiter 2. annis, 215. diebus. Saturnus 29. annis 174. diebus. Stellæ fixæ 28800. annis. Sol quotidie conficit 49. minuta, 8. secunda. 20. tertia, motu tamen anomalie retardat hanc periodum in Apogæo, efficiens tantum 57. minuta & quinque sec. Quo fit vt in semicirculo Boreali, in quo est Apogæum Solis circa sextum gradum cancti, Sol immoretur 186. diebus, horis 18. cum mediâ; contrâ verò in Australi à 23. Septemb. ad 21. Mart. diebus tantum 178. horis 2. cum mediâ.

Exactius habetur ratio temporis ex Stellis fixis, quàm ex planetis.

XX.

MVLTO plures sunt quàm 1022. stellæ fixæ; sicut enim iope telescopij in regione planetarum detectæ sunt 4. stellæ quæ circa Iovem mouentur, vt Mercurius & Venus circa solem, aliaque sydera propè Saturnum errantia, ita in firmamento deprehensum est nebulosæ stellæ & viam lacteam immensos stellarum greges complexæ, & subtestibus temporibus varia nouarum stellarum spectacula exhiberi, de quibus dubitari potest an appareant & lateant statim temporibus, eo quòd rectâ ascendunt aut descendunt in firmamento. An omnes stellæ fixæ, mundi centro æquidistant, an forte inæqualis magnitudinis appareant propter variam distantiam, incompetum est; hoc tamen certum, omnes moueri retrogrado motu, ita vt singulis sæculis decurrant ferè vnum gradum, viginti quinque minuta.

Quia retrocedis octaua sphaera, sol fixis conditus sub Tauro firmamenti.

XXI.

EX veloci motu stellarum firmamenti, patet velocitas temporis, quod insular fulguris eperet, celerius quàm sagitta aut globus tormento æneo eiaculatus, hic enim globus eperet plus quadraginta diebus, vt totum terræ ambitum obiret, quem tamè stella firmamenti in Æquatore posita obiret vnâ horâ, multò plusquam milles; conficit enim singulis horis diurno motu nulliaria 25205018. hoc est quantum eques quotidie 40. milia. conficiens decurrere posset annis 1726. Rursus quantum si quis vnâ horâ milies & amplius terræ ambitum obiret quâ velocitate intrâ spatium salutationis Angeles

septies ut minimū terra circūiri posset. Quod si aliqua stella, etiam tertix magnitudinis, in aëre cōstituta, tanto impetu circūageretur, vniuersas domos & vrbes, totū mare, totūque terram accendens in puluerem solueret præ violentiā motus, quæ tormentorum ac ventorum impetum & sagittarum ignitionem superaret.

Si Ionas in ventre ceti, nauigationem à Ioppe vsque in sinum Arabicum, totiusque Africæ circuitum triduo peregit, ut nonnulli volunt, cetus singulis horis confecti p̄ua quàm 166 miliaria.

XXII.

SI bis mille annis viueres, & quotidie directè in altum ascenderes ad 100. mill. Sidque continuò, post 13 sæcula necdum peruenires ad concauum firmamenti. Si lapis molaris inciperet cadere à conuexo firmamenti versus terram, etiam si singulis horis descenderet ad ducenta mill. (naturaliter autem non videtur posse amplius spatij transmittere) opus haberet plusquam 17. annis, ut decideret, & ad terrā perueniret. Stella polaris, quæ est Cynosuræ lucida, quāuis polo vicinissima sit, distas tantū per duos gradus 44. ferè min. paruumque describens circulum præ alijs partibus firmamenti, immenso tanto intervallo distat à polo Arctico, deciesque maiori spatio, quàm Luna distet à centro. Dicam amplius, Lunare cælum, cum Elementis, & omnibus, quæ continet, non impleret circellum à stellâ polari descriptum.

Minimam stellam firmamenti mouere operisui est, quàm firmamentum ipsum solidum.

XXIII.

SOLARIS defectus, qui tempore Dominicæ Passionis accidit, multa habuit miraculosa. Contigit tempore plenilunij, fuit totale & vniuersale, Sol obscurari cæpit ex parte Orientis, Luna contrà ordinē propriij motus progressa est solito citius ab Oriente ad Occidentē: Quæ omnia habemus ex Epistola Diui Dionysij: necessariū autē fuit Lunā humilius solito, atque infra suum cælū incesse, ut toti terræ totum Solem occultaret, atque adeò vel cælum esse fluidum, vel factam esse penetrationem. Saepè accidit in Zona torrida, ut vmbraë gnomonum, turrium, arborum bis in die naturaliter retrocedant. Imò id ipsum contingere potest in hac vrbe, & locis alijs Zonæ temperatæ, super aliquo plano ad horizontem inclinato; hinc tamen nullo pacto minuitur magnitudo miraculi, quod in horologio Achaz prorogata Ezechix vitam designauit.

Luna minime illuminata conficitur, cum maxime illuminata est, & nunquam minus illuminatur, quàm cum est plena.

XXIV.

CONSEQUENTIA hæc nulla est: Duo arcus in spharâ æquales, eodem tempore oriri incipiunt, semperque maior pars vnus exorta est, quàm alterius. Ergo totus arcus, cuius semper maior pars perorta est, citius emerget suprâ horizontem, quàm totus alter. Non vbiq̃ in spharâ obliqua, maxima dies artificialis æqualis est maximæ nocti artificiali, sed aliquibus in locis maximā dies maxima nocte maior est, in alijs minor: Semper autem in vnaquaque regione dies sunt longiores, quàm ex Canonibus Astronomicis definiuntur, & noctes ob eandem causam sunt breuiores.

Medij in syluis & desertis, absque Sole, Stellis, vmbra, aut acu magneticâ, cerod inuenire possumus lineam meridianam, & quatuor min. diuinares.

XXV.

SI sub æquinoctiali aut alio Parallelo. vicus esset continuus, nullo spatio interruptus, duo memorabilia contingerent, præp̃ lineam. Primò fieret in vna die nō dies heb-

domadæ certis, verbi gratia, Sabbathi, cuiusque aliqua hora verbi gratia Meridiana, cum in altera omnino contigua fieret dies proximè sequens, verbi gratia, Dominica, cuiusque hora eadem, id est Meridiana. Secundo interdum celebraretur Pascha una hebdomadâ tardius, vñ in domo quàm in alterâ, etiam iuxta regulas Calendarij reformati. Fieri potest vt naues duæ eodem portu simul, eodemque momento temporis soluant, ad eundemque portum eodem temporis momento redeant, & tamen neque eadem feriâ hebdomadæ, neque eadem etiam hebdomadâ, imò neque eodem mense aut anno redeant.

Gemelli eodem temporis puncto nati, eodemque postea mortui, dies impares vixisse putantur.

XXVI.

HABITET NE quispiam sub polo mundi, Geographis incompertum est, si quis autem ibi degeret, continuam diem sex mensium & crepuscularem lucem trium ferme mensium haberet. Solemque diurno motu circa se gyraubundum, & consequenter umbras in orbem circumlatas videret, nullum verò punctum Orientis ex natura rei fixum, nullam horam Meridianam haberet, & noctem puram non nisi duorum mensium diem 14. experiretur. In vnâ & eadem spherâ interdum est dies continuus sine crepusculo & nocte, aliquando dies cum crepusculo sine nocte, aliquando dies crepusculum & nox, aliquando crepusculum continuum, aliquando nox pura continua, aliquando crepusculum & nox simul.

Quo magis eleuatur polus, & quò frigidior est Regio, tantò maiorem habet lucis copiam, maioraque crepuscula.

XXVII.

IN spherâ obliquâ, duobus diebus æqualiter ab æquinoctio recedentibus & æquè longis, inæqualia contingunt crepuscula, ita vt maiora sint à 21. Martij ad 23. Sept. quàm à 23. Sept. ad 21. Martij. Porro maximum crepusculum est, sicut maximum dies, initio Cancrì in 22. Iunij & Solstitio æstiuo, sed admiratione dignum est, non esse ex opposito minimum crepusculum initio Capricorni & Solstitij hybernì 22. Decēbris, licet ibi sit minima dies; Minima enim crepuscula contingunt circa dimidiam libram & pisces, indeque augentur vsque ad capricornum, dummodò eleuatio poli non transcendat gradus 66 & semis, alioqui crepuscula decrescūt & minima esse possunt. In spherâ rectâ crepusculum Æquatoris, omnium minimum est.

Nullibi in spherâ obliquâ, perfectum accidit æquinoctium.

XXIII.

ANALEMMATA, astrolabia, mappæ Geographicæ, horologia, & cætera id genus instrumenta planisphærica nihil aliud continent, quàm cælestes circulos in planum proiectos, Geometricè vel Opticè descriptos, secundum variam dispositionem oculi intrâ vel extrâ spheram constituti. Obsunt Gnomonicæ horologiorum descriptioni & instrumentorum vsui, distantia à centro terræ, excentricitas, Solis & Luminis refractio.

Dies naturales, & hora, quas vocant æquales, non omnes sunt æquales.

XXIX.

HOROLOGIORVM lineæ, nihil aliud sunt, quàm sectiones cōmunes horariorum circulorum, & superficiæ vmbrosæ cum plano horologii, vel certè sunt projectiones vmbraarû à gnomone factarû, horarix quidem ab eo, quod axem mundi refertur:

Arcus autem signorum, Almucantarath, Azimuth, Meridiani &c. Ab eo cuius vertex eundem axem contingat: Errant autem contra Gnomonicam, qui horarum inæqualia in circulis putant esse perfectos, & consequenter pro horis inæqualibus rectas lineas describunt.

Per umbram aut altitudinem Soli sine horologio hora cognoscitur.

XXX.

PA C I L I S est quidem & accurata ratio describendi horologia quælibet, quotlibet, quantalibet, in quolibet plano, aspero, inæquali, declinante aut etiam inclinato; ubicumque solita Gnomonices præcepta sufficiunt aut deficiunt, etiam ad lumen Lunæ & cælestæ, modò habeas horologium vnum accuratè descriptum, in quo sicut & in tuo plano aut Polyedro corpore paralleli axi mundano Gnomones statuuntur. Sed multò facilius per quemlibet stylū quomodocumque fixum in proposito plano, magnū aut paruum datā proportionem horologium exscribitur, etiam cum arcubus signorum, almucantarath, &c. Exponendo tātum utrumque stylum luminoso corpori eodem tempore, & efficiendo ut extremitas umbræ cadat in varia puncta prototypi, quibus proportionaliter respondentur notentur eodem tempore in Ectypo.

Multis modis construitur horologium solare, in quo tamen hora abque gnomonis umbrâ in lineis horariis cadentis, habeantur, etiam per acum magneticam, extremitate solâ horas demonstrantem.

XXXI.

QUOD de pyramidibus Ægyptiis legitur, quæ suas ipsæ consumerent umbras, verè dictum est, si de aliquâ diei parte intelligas, etiam in ijs quarum latera non minorem 83. gradibus angulum cum horizonte faciebant: errant tamen qui ex eo præcisè excellentias esse pyramides contendunt, cum in hac ipsâ vrbe pyramis constructi possit humillima, de quâ verificetur, quod de Ægyptiacâ dictum est. Quod arbor quædam ad Fluvium Hyaroditem, meridianam umbram stadiorum 5. proiecerit, Strabonica est fabula.

Umbræ gnomonis, nullo anni die, neque ipso æquinoctio, rectam lineam describit.

PROPOSITIONES MUSICÆ.

I.



MUSICÆ obiectum, est sonus, non quicumque, sed numerosus, demulcendis auribus accommodatus. Totæ enim quæ ex vocibus aut instrumentis musicis percipiuntur harmonia, numeroſiū proportionibus debetur accepta; Colligitur autem sonorū proportio secundum differentias acuti, & grauis, ex harmonicâ proportionem corporum sonantium, iuxta definitam materię homogeneæ quantitatem, aut qualitatem, ut patet in longitudine vel in reſſione neruorū: tibiariū & organorū foraminibus, instrumentorū manubijs, Pythagoricis malleis, &c. Modò omnia sint æqualia, excepto eo in quo fit comparatio.

Homo canendi imperitus, potest musicam perfectè docere, & optimas cantilenas componere, & in cytharâ alioue instrumento transuersis nervi loca pulsionum designare.

II.

SI T quadratū aliquod diuisū in quinq; parallelogramma, contenta sub vno laterum & ceteris alterius segmentis: ducatur autem ab vno quopiam eius angulo, recta quædam

D ij

lineæ a latius oppositum, bifarium illud secans : latera parallelogrammorum omnium diuisa erunt ab huiusmodi lineâ secundum proportionem harmonicam, & consonantias omnes, maioraque diatonici generis interualla exhibebunt Diuiso autem eodẽ quadrato in sex parallelogramma æqualia, sub vno laterum & æqualibus alterius segmentis, ductâq; partier linea, omnes quidem consonantiæ, non omnia tamen interualla exhibebuntur.

Possunt duo soni, uni tertio consoni, non consonare inter se.

III.

EXHIBERI potest sonus habes datos quoslibet gradus acuminis & grauitatis, & dato quolibet sono alius in datâ proportionem inueniri, variatis nimirum longitudine, ambitu, tensione, densitate corporum sonantiũ. Fieri potest cõcentus harmonicus multis partibus constans, & ex musicæ præcepto, cui tamen exprimendo cantor vnus sufficit, vnâ cantilenam intonans, siue per vocem, siue per testudinem. De facto contingit, vt in multis templis plures audiri videantur cantores, quâ re ipsâ sint, & in theatris grauiiores voces ob fornices & vasa theatralia.

Fieri potest instrumentum, quò inuenitur auditus, sicut nouo Telescopio inuatur visus.

IV.

CONSONANTIÆ musicæ, non solius rationis iudicio, sed maximè auditus apprehensione dignoscendæ sunt. Inter has grauissima est quinta, sed perfectissima octaua, quæ maximè ad vnisonum accedit, vnde & illam rustici naturaliter vsurpant, abeuntes de octauâ in octauam. Porro ex quintæ & octauæ additione aut subtractione reliquæ nascuntur. Illud verò præstantissimum est, quod nulla perfecta consonantia reperitur, quæ non in primo perfecto numero, nempe in senario, actu aut virtute continetur, vt merito hic numerus consonantiæ parens, & harmoniæ totius exemplar appellari possit.

Orbes cœlestes concentum edere, non est improbabile.

V.

QUOD in hac vel illâ proportionem grata accidat cõsonantia, in alijs dissonantia. Cur Dorio graui, Phrygio bellicoso, blandientique Lydio diuersi animorum motus excitentur. Quare neruus ad octauam dispositus sensibilibus tremat, pulsatũ alio, qui cum ipso redderet sonũ in duplâ proportionem, &c. Quãdo certũ aëris vndulatum commoti tremorem, proportioni respondetẽ, vnisonoque vicinum attuleris, frustra aliud quæretur, nisi ad sympathiam auditus, cum sonis tali proportionem temperatis, recurrẽdũ videatur.

Mechanicis instrumentis modulatiũ pulsari possunt organa, sine digitorum appulsu.

VI.

COMMODA est tonorum & semitoniorum distinctio secundum maius & minus præsertim ad humanæ vocis inflexiones : non obseruatur tamen in instrumentis Musicis, & hac admissâ necessarium est, vt modulando interdum cantores alius aut depressius definant, quàm inceperint. Impossibile est quidem Arithmeticè diuidi tonum in duo semitonia æqualia, vix tamen demonstrabitur, quantitatem soni, acuto & graui, tanquam duobus terminis comprehensâ, non posse diuidi Physicè aut Geometricè in partes æquales. Sic etiam non convincitur, necessarium esse, vt omnes consonantiæ in proportionem rationalem multiplices aut super particularem consistant.

Verum Orpheus, vera animalia; fictus Orpheus solo Organo ludens, circumpositas animalium statuas, solo aere intermedio coniunctas, excitauit ad tripudium, Et acaestio teste oculato.

VII.

ECHO est sonus reflexus. Non resonat tantum ex cauis & anfractuosis locis, verum etiam ex tabulatis planis & solidis ac terfis corporibus, cuiusmodi sunt parietes domorum & urbium, aquæ fluminum & puteorū, & similia, quæ sunt quasi planum speculum vocis; non bene redditur ex rupibus nimium asperis, ex cliuis herbolis, aut in aëre impedito arboribus, domibus, &c. Reflexio vocis, fit ad angulos æquales angulis incidentiæ. Quare non nisi perpendicularis linea, ad ipsum sonorum redit, aliæ autem quæ oblique procedunt supra corpus reflectens, in diuersa abscedunt, ad diuersos auditores. Quod vnus paries resonet, alter minimè, etiam si secundum cætera sint simillimi: prouenit ex vario situ, distantia, cæterisque parietum dispositionibus.

In eadem vocis Echo, potest exaudiri, ab auditoribus in orbem dispositis.

VIII.

OMNE corpus reflectens sonum articulatam, repetit omnes syllabas, quæ in ipsam diriguntur, non idèo tamen omnes exaudiri possunt, sed vltimæ tantum, quæ post integram primigeniam vocem, ad audientem resiliunt; Priores autem cum strepitu primæ vocis in bombum confunduntur; Adeo vt si parum distet sonorum à reflectente, Echo pauciores syllabas repetat, plures si magis distet, moderatè tamen. Ex si quidem Echo repetat omnes syllabas, necesse est durationem totius propagationis saltem esse duplicem durationis, tam primariæ vocis, quam reflexæ.

Mathematicus fabricare potest echum dysyllabam, trisyllabam, monophonam, polyphonam, primariam, secundariam pro libito.

IX.

ECHO monosyllaba, fieri deprehenditur in distantia passuum Geometricorū ferè 24. dysyllaba ferè 46. trisyllaba ferè 70. Debilissima autem & quasi morituræ vocis echo, vltra quam nihil auditur, non debet magis distare à corpore reflectente, quam longa est semissis lineæ ætuitatis soni, si directè propagaretur. Multiplex echus fit, quando plura sunt reflectentia, cum diuersis distantijs ab eodem sonoro. Reflectens conuexum siue sphericum seu rectiplanum, ineptum est echo efficiendæ. Concauum autem sphericum, parabolicum, ellipticum, imò & rectiplanum, cuiusmodi sunt theatra, fornices, &c. Iisdem legibus & conditionibus reflectunt, quibus fit reflexio in catoptrici.

In speculis concauis æstorijs, fieri potest, vt echo audiat, ab eo qui primariam vocem auscultare non possit.

X.

QUEMADMODVM visui, sic etiam auditui suæ accidunt fallaciæ, interdum enim echo vltimas syllabas repetens, sonoro ad mentem ipsius respondere videtur, quasi reuera adesset alter homo; Interdum decipit circa locum & situm corporis sonori: quamuis enim in certis casibus vox oblique reflectatur, iudicamus tamen rectè propagari, sicut visu fallente, obiectum nobis apparet, quasi directè remotum intra profunditatem speculi.

Pueri, non reddunt claram Echo, nisi sint sub dio.

XI.

FACILE est Mathematico lineam actiuitatis sonori definire, & dato quouis pariete aut corpore reflexiuo, audientem ac sonorum ita constituere, vt vel ab ipso sonoro directâ echo, vel ab alijs obliqua & secundaria, aut tertiaria, vel in orbem audiatur; & contrâ, dato quouis sonoro, cum lineâ actiuitatis ipsius, ita constituere corpus reflectens, vt echum reddat pro libito. Sicut ignis & aqua per tubum ita per soniductum coacta vox melius propagatur.

Si fornicum arcus caui sint, ab angulo ad angulum exaudietur sonus, nihil audientibus intermedijs.

PROPOSITIONES OPTICÆ.

I.



OPTICA seu perspectiua, de radijs visus & lucis, (hoc est) de visione illuminationeque pertractat, & quia in præfatis radijs considerat lineas, angulos, pyramides, &c. quæ ad Geometriæ obiectum pertinent, non tantum Physicæ sed præsertim Geometriæ subalternatur. Triperita verò est, pro triplici propagatione & profusione radiorum, directâ, repercussâ, & infractâ.

Plus & melius semper vident oculi, quàm oculus, etiam in homine lusco.

II.

OCULUM 4. Tunicæ constituunt, humores tres intus complexæ; septem musculi, & nervus opticus. Præcipuum visionis organum integrant humor crystallinus aranea & retina tunica. Oculus totus, cornea superficies, & humor crystallinus, habent diuersa centra, sed in directum iacentia; Nerui optici non sunt transuersim decussati, sed proprijs meatibus & partibus discreti. Humani oculi pupilla exquisito in lumine euidenter constringitur, in obscuro dilatur, diductâ nimirum compressâque vucâ: quod pariter accidit quando spectatur acicula aut aliud obiectum; nunc remotum nunc propinquum.

Lusus opticus est, quod altero oculo clauso, transuersoque à latere digito, baculus in aëre constitutus, cerio tangi non possit.

III.

PROPRIA obiecta visus sunt lumen & color. Communia, quantitas, figura, locus, situs, distantia, contiguitas, discretio, motus & quies, aut si quæ alia, ad hæc reuocantur. Colores non differunt à complexione primarum qualitarum, accedente certo densitatis & opacitatis gradu, certoque luminis appulsu; apparentes autem, vt vocant, colores, veri sunt, licet maximè versatiles, quia plus pendunt à lumine, quàm cæteri; Quinque sunt colores simplices, albus, flauus, rubeus, cæruleus, niger; tres verò inter compositos præcipui, aureus, purpureus, viridis, ad quos alij reuocantur, aut negliguntur vt sordidi.

Sphæra pars visa, quæ reipsa minor est, eò maior apparet.

IV.

COLORES componuntur duobus modis; Primò realiter, per veram mixtionem, vt si auripigmento Indicum interatur, componitur viridis; Secundò intentionali-

ter, vt si picturæ flauæ Indicum perspicuum, tenui liturâ inducatur, si crocus cœruleo panno affricetur, vel cœruleum corpus lumine candelæ perfundatur, color viridis intentionali permixtione repræsentatur. Quomodo autem ex primarum & secundarum qualitarum luminisq; congressione, vniuersa colorum varietas & numerositas oritur, id autum plumis, squamis piscium, hominum & quadrupedum pilis, in floribus, fructibus, herbis, in lignis, & metallis, in variâ colorum contemperatione varijsq; subiectis: quam ob causam albedo visum dissipet, nigredo colligat, rubedo inflammet, cœruleus, flauus, & viridis color oblectent, admirari possumus, explicare vix possumus.

Minima candelula lumen, insardu accensum, augeat lumen in celo & toto mundo.

V.

VISIO non fit per emissivos radios, sed per intus susceptionem specierum visibilibus, quas reipsâ dari tam certum est, quàm non esse formas à lumine distinctas; Species ipse videntur, quod patet celebri experientiâ, per quam cubiculo vndeque clauso & vnicui foramine peruiso, quicquid extrinsecus positum est valdeq; illuminatum, in chartâ candidâ etiam quoad colores, inuerso tamen situ ostenditur, præsertim si modicè conuexum vitrum foramini apponatur. Ingeniosè vero, possunt eadem species, post euerzionem erigi, etiam absque speculo concauo.

Lucerna flammula, si iuxta corpus solare constitueretur, longius proferret lumen, quàm modo solares radij porrigantur.

VI.

VT obiectum aliquod perfectè videatur, debet habere, Primò iustam opacitatem magnitudinem, distantiam, & oppositionem, Secundò requirit medium Diaphanum, & omni colore nudatum, Tertiò debet obiectum medium & organum esse illuminatum. Quotiescunq; aliquod obiectum spectatur duobus oculis, & non è directò, toties, vna eademque res, seipsâ maior & minor, eodem tempore, & ab eodem intuitu videtur. Oculi sani ita diuicari nequeunt, vt axes optici firmentur paralleli.

Si plures lucerna in circulum disponantur, minimum lumen erit in centro.

VII.

LUMEN est qualitas intentionalis, quæ ab omni parte corporis luminosi, rectis semper lineis, & in orbem, momentoque temporis diffunditur, languescit sensim vniiformi difformitate, secundum Geometricam proportionem. Et quamvis amoto luminoso vt plurimum perire videatur, de facto tamen conseruatur in putri quercu, noctilucis, felium oculis, lapidibus quibusdam, & nostris etiam oculis, post attentam visionem Solis & cancellorum, & in olco valde rarefacto diutissimè conseruaretur. Lumen maius offuscat minus, complendo potentiam organi; Exquisitum lumen diutius spectatum, labefactat organum visus, partim ob sensibilis exuberantiam, partim ob nimium conatum organi.

Vmbra Taxi, Nucis, Iuglandis. Thistimalli, adulæ fœcus, & serbi Indica, non est noxia, nisi per spiritus, ab æstiuæ plantâ excitatos.

VIII.

DIVERSA luminosa, distincta producunt lumina, quæ penetratiuè posita, sese mutuò intendunt, retinent tamen suam distinctionem & simul conspirantia excel-

lentiùs & longiùs agunt, quàm vnumquodque per se. Concurrentium verò & occurrentium luminum actiuitas & vniforme decrementum augmentumue ipsorum, numerorum proportionibus exponi potest, habitâ ratione distantie & virtutis ipsorum. Omnia lumina, cœlestia ac sublunaria eiusdem sunt speciei. Fieri potest vt luminosum, ex propinquiore loco, rem obiectam minùs illuminet, quàm è remotiori. Item, vt opacum corpus, ex inæquali distantia à signo luminoso æqualiter illuminetur.

Potest figura non aquilatera, umbram projicere aquilateram.

IX.

SOLIS illuminationes per angulosa foramina profusæ. in planis obiectis rotundæ sicut ouales apparent, aut etiam Eclipsis tempore, Eclipsatæ, quia infinitæ pyramides illuminationum & infinitæ illuminationes rotundæ, suas angularum prominentias in circulum dispositas habent. Extremitates umbræ solaris tremere videntur, propter halitus qui de umbrâ in lucem & de luce in umbram reciprocè mouentur; Sic etiam sol oriens tremere videtur, & illustri die agri & glebæ trepidare, & accensis prunis pluribusque candelis, in cubiculo tremere omnia videntur, simili exhalationum & fumorum agitatione; Astra quoque firmamenti scintillant, præcipuè ob vapores in medio agitados, accedit tamen debilitas specierum & visus ex longinquitate, asperitas & motus stellarum lumen recipientium, & varij motus in cœlo fluido inferiori.

Vnum idemque obiectum videri potest directo simul & reflexo, directo simul & refracto radio.

X.

COLUMNÆ illa nubes & ignis, quæ Angeli ministerio comitabatur castra Israël, Exodi 13. & 14. constabat rariore quadam halituosâ substantiâ, nubes in modum concretâ, & infuso lucebat splendore ignis; eadem tamen interdiu solis radijs percussa, nubem representabat; habebat autem molem maximam, cum Israëlitarum castra propè tricenis centena millia hominum numerarent, quibus certè vt figerent tabernacula, non minus quàm quindecim vel duodecim millia passuum opus erant, quiescente autem Israël, columna tabernaculo insitens, basi illud operiebat, capitulo in sublimè erecto.

Nunquam ita apparent magnitudines rerum ut sunt, in directâ visione, sed infuso semper minores.

XI.

VISVS non fallitur circâ proprium obiectum in genere spectatum, & passim ac fere semper fallitur circa commune, quoad apparentem obiectorum distantiam, magnitudinem, figuram, & situm &c. Prout variantur causæ ex quibus dignoscuntur obiecta communia, & deficiunt, vel mutantur conditiones ad perfectam visionem requisitæ ex parte obiecti, organi, & mediij. Omnes autem oculi fallaciæ in particulari, parum speculatiuè partim organicè à Mathematico exhiberi, & aduocato mentis aliorumque sensuum iudicio, vel ex præcedenti cognitione, vel ex cognitâ magnitudine, distantia, & similibus detegi ac corrigi possunt.

Lupum arbori aequalem constitari se pertrans Lithuania rusticum, profuso per dorsum, semper & veritatem arboris radio, vicinos innoxia oppidanos contra lupum apparentem animant.

XII.

XII.

IN directâ visione hæc ferè sunt fallaciarum causæ. Inæqualitas angulorum, sub quibus objecta tota aut partes ipsorum videntur. Breuitas temporis quo obiectum videtur. Ignorantia viciniorum, aut interiectorum corporum. Defectus luminis. Immoderata distantia. Varius radiorum visualium situs. Velox motus obiecti. Diffusio azium opticorum. Agitatio, spirituum & oculi, &c. In reflexa autem, hoc est, in speculis & specularibus corporibus, qualia sunt vitra terminata, metalla polita, gemmæ, matiora & similia, siue plana, siue spherica, pyramidalia, cylindrica, aut irregularia, siue concaua, siue conuexa, ferè semper accidunt fallaciæ propter hanc vnicam causam, quia imago cuiuslibet obiecti per speculum apparens, eo modo videtur, quem postulat concursus linearum reflexionis cum Catheto incidentiæ. In refractâ autem, quando sunt media diuersæ transparentiæ vt aër, aqua, & ceteri humores, vitrum, cornu, gemmæ, charta oleo perlita &c. Hæc est errorum causa, quod obiectum eo modo videatur, quem postulat concursus radij visualis directi cum lineâ perpendiculari, quæ ab obiecto producitur ad superficiem secundi Diaphani.

Data quolibet obiecto, quodlibet representare per specula, Montem ex atomo, Suium aut Asinum caput ex humano, Elephantem à capillo.

XIII.

SI duo oculi, directo situ, & ex æquali distantiâ, intueantur obiectum, in partes æquales se ipsi vel cogitatione dissectum, quæcûq; pars vni oculo minor apparebit, eadem alteri maior videbitur; quolibet tamen pars æqualiter distans à medio æqualis videbitur, & quilibet in medio sumpta, & totum obiectum vtrique oculo idem eodemque modo apparebit. Possunt duæ lineæ subiecto plano inscribi, quarum intercapædo etiam in infinitum producta, nusquam angustari videatur. Possunt duo muri in subiecto plano sic excitari, vt oculo in eorum extremis constituto, appareant in medio conuenire, oculo verd in medio existente, semper æquali intervallo distare videantur.

Assignatur locus, ex quo data magnitudo appareat sui ipsius, aut alterius pars, vel multiplex in data ratione.

XIV.

PERSPECTIVA practica, repræsentat res in plano, eo modo quo radij ab oculo ad obiectum emissi, vel species ab obiecto ad oculum productæ, pyramidaliter inter mediam tabulam fecare concipiuntur: cum enim sublimioribus radijs, sublimiora, humilioribus, humiliora, sinistrioribus sinistriora videantur; vt patet in longa porticu, cuius tabulata deprimi, pauimenta attolli, parietes contrahi videntur: necessarium est, post maximam distantiam, vt Horizonte ipso ad altitudinem oculi apparenter sublatò omnia desinant in punctum, quo semel constituto, lineæ omnes satis commodè ducentur, si secundum visum tendant ad eam partem, ad quam tenderent lineæ quæ ab oculo ipsis parallelæ ducerentur.

Potest in superficie quolibet quantumlibet, æstera, quodlibet obiectum representari.

XV.

VARIÆ sunt & vulgares Præxes, quibus optice efformentur obiecta, vel ex prototipo delineantur, trans chartam oleo perlitam, trans vitra, per lineamentorum transumptionem, per quadrangularem diuisionem, per instrumentum parallelogram-

E

num per sexcentas regulas, quas Perspectivæ auctores exponunt, in Ichnographiâ, Orthographiâ, Stereographiâ, & Scenographiâ proiectione. Brevis est ratio, per quam datæ imagines qualibet proportionem exhibebunt vmbra solaris operâ deâus in prototypo & paratâ tabulâ, certæ proportionis stylis. Neque contemnenda videtur praxis per species intentionales obscuro cubiculo exceptas, hæc enim phasi non tantum Geometria rerum magnitudines situs & distantias explorare, verum etiam Geographia & Prosopographia, & ars pictoria vti potest. Corpora vmbrosa se habent vt Gnomones. Data igitur luminosi altitudine profundendas à quolibet corpore vmbra facile est ductis radijs designare; datâ verò vmbra, corporis quantitas; datâ corpore & vmbra, luminosi altitudo & magnitudo facile colligitur.

Cum sphaera videtur, potest ex oculi distantia & anguli optici quantitate, diametrum inveniri; & contra ex diametro & angulo, oculi distantia.

XVI.

RADIVS naturalis cuiuslibet motus, inuento obice, reflectitur aut refrangitur: sic tamen, vt reflexa & refracta qualitas, tum ab agente principali, tum à qualitate corporis reflectentis aut refrangentis producat. Angulus reflexionis, semper est æqualis angulo incidentiæ, & tendit ad partes illi oppositas. Radij lucis, coloris, & qualitatum, si progrediantur à densio ad rarum, refranguntur à perpendiculari: si transeant à rariore in densius, ad perpendicularem. Sæpe fit absque vilo artificio, vt idem punctum visibile, priusquam percipiatur, per octo diversos radios, in vltimum visus organum illabatur.

Speculo mensurari potest longitudo, latitudo, altitudo, & profunditas.

XVII.

SPECULA vltoria, quibus Archimedes & Proclus, velut novi Promethæi & Iouis fulminatores, aduocatum è cælo ignem, in aduersas Naues & hostium copias euaculati sunt, solo radiorum solarium concursu ignem accendebant; multiplicatis enim reflexione aut refractione radijs producitur calor in anteriore, quidem parte à cauis, sphericis, parabolicis, Ellipticis, imò etiam à pluribus planis & conuexis; In posteriore autem parte à conuexis vitris, parabolicis etiam atque Ellipticis quæ sufficienter diaphana sunt. Imò dari possunt specula, quæ per omnes longissimæ lineæ partes comburant.

Potest, tibi non aduertentis, congelari auris, opo speculi concavi.

XVIII.

FREQUENTES illæ refractiones, inæquales, & irregulares, quas in cælo, stellis, & oculis ipsis, meritisimè considerant recentiores Mathematici, sicut plurimas demonstrant scitu non iniucunda, hæcenus parum cognita: Ita ex aduerso plurimas Astronomiæ & Opticæ propositiones, hæcenus pro veris habitas in maximam dubitationem reuocare possunt; Siquidem omnia patentis cæli puncta, præter verticem, refringuntur, & iusto sublimiora apparent. Totum de cælo quod videtur, plus est, quàm apparet; circuli cælestes, refractione exaltantur & contrahuntur; syderum loca, distantia, altitudines, aliz sunt in re ipsa, quàm appareant, præsertim iuxta Horizontem. Solares virebræ, in horologijs sciothericis aliter projiciuntur, quàm si prodirent à sole, in refractione radio splendescente.

Eodem tempore, cum nos, quàm Antipoda nostri, solem oculis contemplamur,

XIX.

DIOPTRICVM illud instrumentum, per quod Lynceis oculis obiecta remotissima attinguntur, latentique in cœlis sydera deteguntur, demonstrationem habet vulgaribus dioptris familiarem. Facile adduci potest eò perfectionis, ut millies ferè maiores res exhibeat, & plusquam in terdecuplâ ratione viciniore, aut contrâ minores, minusque distantes. Quod aliquorum oculi, res propinquas ægrè, remotas acutè cernant; Alij contrâ. Quod aliqui myoptris & concavis specillis, alij Omphaloptris siue convexis gaudeant; ratio referenda videtur, in cornæ tunicæ & crystallini humoris dispositionem, pupillæ foramen, luminis copiam aut inopiam, &c.

Fieri potest, ut in uno speculo videas imaginem tuam venientem, in altero recedentem, in aere volitantem, &c.

XX.

REFRACTIO & reflexio, varia in cœlestibus ac sublunaribus pingit phasmata, Halones, Parelia, Paraselenas, Irides in nubibus, in Crystallo trigonâ, in ampullis vitæis, in Polyoptris, in aquâ fontium arcuatâ & irroratâ, in lucernis ardentibus. Vbi certum videtur, colores hic apparentes, causam habere congenerem, puta permutationem refractæ lucis cum refringente subiecto; figuras autem diversas, incidentium, refractorum simul & reflexorum radiorum legibus gubernari. Probabile est, geminari posse lunarem Iridem, sicut & solarem, sic tamen, ut secundaria Iris non sit imago alterius ex reflexione producta.

Facile est conficere Horologium, in quo, absque umbrâ vel stylo, per solos radios à speculâri corpore reflexos, hora demonstrantur.

XXI.

SI qua scientia experimentorum est serax, præ cæteris Optica, siue quando trans vitra planoconvexa, aut planoconcava, vel utrinque convexa, aut utrinque concava, aut alterius cuiuslibet figuræ; colorata, liquore plena, aut imbuta, aut vacua. Siue quando per foramen vnum aut multiplex, magnum aut parvum, distans aut propinquum, vel per speculata corpora, ex superficie, ex fundo, & medijs partibus reflectentia; proprii oculi, solis, lunæ, candelarum, aut specierum radij, transmissi, repereculsi, decussati, colore tincti, diuersis superficiebus excepti, diuersarum laminarum obiectu impediti, infinita prope Phænomena representant.

Ex una demo, pagus; ex cataphrasto milite, insignis armatorum acies representari potest, etiam absque polyoptris aut speculis.

XXII.

SOLIS aut alterius obiecti imago, per vitrum convexum tubo insertum, in chartam illapsâ, extensionem sensu æqualem retinet, aperturâ vitri imò & figurâ quantumvis immutatâ, dummodò eadem tubi laxatio, idemque chartæ à vitro interstitium teneatur, clarior tamen est figura solis sub maiore, obscurior sub minore aperturâ vitri. Ferrum candens, triplo maius apparet seipso non ignito. Intra idem speculum, apparenter planum, duæ, tres, interdum octo candelæ, obliquo vnius obiectu repræsentantur. Duobus verò speculis, inuicem oppositis, vitrumque multoties intra alterum, & intra se ipsum, alternis positâ utriusque imagine repræsentatur. Si in medio foramine sit

globulus, & retrò foramen multæ facies accensæ, oculus defigens obrutum in facies, globulum intermedium, quasi multiplicem, singulis faculis insidere videbit.

Nunquam consentient multa Astronomorum observationes, nisi oculo & aëre eadē ratione temperato, cœlestia Phænomena explorent.

FINIS.

